

同治上海縣志

卷十八  
人物一

卷十九  
人物二

ル 5

1692

9



門  
呂  
1692  
卷  
9



同治上海縣志卷十八

人物一

志其地而兼傳其人蓋昉於樂史太平寰宇記而後之作者因之夫過大梁者竝想夷門游九京者流連隨會尚論古人固後人之楷式也惟舊府縣志多分列傳獨行文苑隱逸等門並有一人而散見各門者陸慶循嘉慶志脩例謂分別品目係國史體裁邑乘不當僭擬今依新府志列傳例按時代先後薈萃成編其前志所無者刺取傳記補綴焉不復標舉門類庶有當乎志人物

晉

陳遺

唐

上海縣志

卷十八

陸贄

顧謙

宋

邴直

李甲

儲泳

錢良臣

鮑廉

莊肅

俞彌恭

黃庚

任良能

張百五

元

瞿靈發

子時學

從曾孫

任仁發

孫暉

任仲孚

唐時措

弟時拱

費拱辰

杜元芳

杜英發

何敬德

陳明

章夢賢

子元澤

管仲德

金子安

徐誠

唐煜

陸侗

趙恭

弟敬

彭汝器

王文澤

子默

戴光遠

余瑾

秦良顯

朱弦

俞庸

王泳

趙如珪

子宏毅

徐振

錢全褒

明

秦裕伯

陸文旺

四世孫

七世孫

杜隰

弟桓

黃良臣

全思誠

俞宗大

從父仲幾 子琪

董紀

胡秉中

沈德四

望 愛松 五世從孫獻

顧彧

何廣

夏長文

夏禮

夏宗禮

張年

王守信

劉仲禮

系純

純子與

趙公器

與從子充

王思

朱璘

王掖

吳千文

莫景行

曾孫誣

葉宗行

錢驥

黃翰

朱木

子元振

孫佑

張衡

孫穀 穀子抑

李昇

楊琪

黃恭

陳質

張倫

許進

從父茂

李伯璵

子澄 清 深

蔣性中

朱允

唐瑜

從父敏 子澄

唐珣

孫定芳 定芳子從禮 從禮

顧英

從弟從義

沈瑜

王祐

郁文博

沈祿

子鈇

王霽

子泰

談倫

子田

董綸

子恬

計瑤

曾孫安邦

董綸

子恬 懌 恬子宜

戴春

從弟曦 孫恩

喬益

上海縣志 卷十八

金獻民 金璋 金鼎

周洪 六世孫官

唐琛 張翹 子鳴鳳 鳴鸞

楊松 沈友松

張霆 張時泰

趙松 沈恩

唐錦 姚填

儲昱 曹閔

曹豹 葉鈇 懌從孫志范 志孝

唐懌 懌從孫志范 志孝

張萱 張鷄 子鳴謙 孫之象 之象兄之英

郁侃 顧聽

陸深 父平 子楫 孫 陸炫 從兄煉 煉子璧 璧子錫 錫子起 起子龍 龍子璧 璧子從 從子城

陸維垣 陸明允 父焯 子錫 錫子起 起子龍 龍子璧 璧子從 從子城

葉桐山 黃標

張電 浦澤

張紘 戚韶

徐壽 沈雲 孫家法 曾孫長世

朱豹 張鳴岐

馬祥 吳爰

王佐 張學禮

趙綸 楊學禮

高企 張武 子大魯 孫所敬

潘恩 父奎 弟忠 子允哲 允端 允端子雲龍

顧鰲 恩從子允達 胡芳

劉兆元 諸傑

鞠蕙 董子儀 子秉介

董充大 張鸚翼

張泮 孫元玘 喬洪 子伯春 仲春 叔春 昭

李昭祥 從弟德祥 德祥子伯春

石應朝 余采 姚昭

陳一鳴 顧文陞

董傳策 從孫象恆 傳策 族弟羽宸 愷孫孚 屠 實 華秉中 曾孫鶴鳴

龔情 從弟愷 愷孫孚 屠 實 華秉中 曾孫鶴鳴

林濟 孫繼祿 顧金 諫 綵

晉

陳遺性至孝母好食饋底焦飯遺作主簿恆裝一囊歸以奉母會賊出吳郡袁府君即日便征遺已藏得數斗焦飯未展歸家遂帶以從征戰於滬瀆敗軍潰散山澤間多餓死遺獨以焦飯得活人以爲純孝之報 前志見遺事

唐

陸贄字敬輿父侃爲溧陽令 顧府志作吏贄年十八登進士部郎中瀾子

第中博學宏詞科調鄭尉罷秩東歸省母路由壽州刺史張

鎰有重名往見語二日奇之請爲忘年交旣行餉錢百萬曰

請爲母夫人一日費贄不納止受茶一串而已以書判拔萃

補渭南尉德宗立遣黜陟使行天下贄請以五術省風俗八

計聽吏治三科登俊又四賦經財實六德保疲瘵五要簡官

事時皆瞠其言遷監察御史召為翰林學士從狩奉天機務  
 闕總遠近調發奏請報下詔書數百贊若不經思皆周盡情  
 事旁吏承寫不給而贊沛然有餘遷諫議大夫仍為學士言  
 事無所回諱陰失帝意久之不得宰相但為中書舍人以母  
 喪解官服除權知兵部侍郎復召為學士貞元八年以中書  
 侍郎同中書門下平章事帝用裴延齡贊言延齡僻戾躁妄  
 不可用不聽俄而延齡姦佞得君天下仇惡無敢言贊上書  
 苦諫帝不憚竟以太子賓客罷延齡讒短百緒帝怒欲誅贊  
 陽城等交章論辨乃貶忠州別駕後稍思之諭旨慰勞章舉  
 數請代領劍南帝猶銜之不向與順宗立召未至卒年五十  
 二贈兵部尚書諡曰宣祀鄉賢 國朝道光六年從祀 文  
 廟案邑鄉賢祠首列宣公而人  
 物志無公傳今據府志補

顧謙字自脩吳丞相雍之後風神朗秀質性端敏少舉明經  
 三禮科洞達貫串性介與朝士不合游藩鎮間魏帥何某表  
 謙高才拜貝州宗城令棄歸隱居北平鄉崧子里名流高其  
 風成就見焉祀鄉賢案唐制取士有秀才有明經明經之別  
 之三禮科也前志稱謙  
 舉明經三禮二科誤

宋 郊亶字正夫嘉祐二年進士初授睦州團練使知於潛縣熙  
 甯二年前上書言松江南大盈梁紇趙屯等浦二十條松江北  
 夏駕等浦二十七條久不脩治每遇大水岸沈水底不能固  
 田議者不知此塘浦元有大岸乃謂古人浚此只欲泄水此  
 不知治田之本也乃授司農寺丞提舉脩水利亶至蘇役六  
 郡三十四縣夫民以為擾呂惠卿言之遂罷亶歸治所居之

西大泗灑如所說歲入甚厚圖狀以獻復為司農寺主簿終

大府丞別業在青龍鎮故有邨家橋今名邨店云涇祐王峯志進士門

書嘉祐二年章衡榜邨人自始又云治所居西日大駟灑者

山自國朝以來登科者自始又云治所居西日大駟灑者

為圩岸溝洫井澮場圃俱用井田之制山水門大駟灑在縣

北十八里考大駟灑在今崑山之北境而嘉慶初所修太倉城

中故明太倉桑悅張寅張采諸州志及嘉慶初所修太倉城

隸州志俱以直隸州人而列直隸州志及嘉慶初所修太倉城

無疑義矣此所以青志之僅列直隸州志及嘉慶初所修太倉城

係出春秋姓張後所居為邨見中吳紀聞其後子孫因明

代賦役改姓為張遷於松郡見青浦詩傳康熙省志宋則二

士門人俱書華亭人上海華亭今縣也豈豈固為邨店

士著與今補曹傳亦甯過而存之之意也至直子僑是仍

居邨店無可考證故不復及

李甲字景元善填詞小令有聞於時畫翎毛有意外之趣蘇

東坡米海岳嘗稱之鄧椿畫繼載東坡題景元喜鵲圖詩云

年寥落何人在只有華亭李景元又松上遺詩載景元題畫

絕句云誰潑煙雲六尺綃寒山秋樹晚蕭蕭十年來往吳松

南錯認溪南舊板橋

儲泳字文卿號華居周浦以詩名通元理兼習陰陽五行家

言著有祛疑說弟游字智卿號晴亦以詩名游前志作滾南

錢良臣字友魏紹興二十四年進士涇熙五年自給事中除

簽書樞密院事拜參知政事八年罷十年除端明殿學士知

鎮江府事十二年移知建康府兼行宮留守十四年拜資政

殿學士仍知建康府十五年八月提舉洞霄宮十六年光宗

即位下詔褒問十一月卒諡文惠初雲間仙山白沙胥浦四

鄉皆斥鹵乾道七年既築隄堰民漸復業會邑中酒額虧數

良臣請捐減酒額以四鄉租稅代之合境為之鼓舞良臣學

業德望為時所重孝宗嘗詢時事所陳合上意褒之曰如卿

上海縣志 卷十八 七



真所謂通世務之儒遂書通儒二字以賜光宗在東宮曾書

雲漢昭回之閣賜之詳見宋史宰輔表前志云舊稱縣學皆良臣所脩今考成道

中上海鎮始立學元至元中始立縣皆在良臣後良臣所脩蓋華亭縣學也又據景定建康志酒熙十年以端明殿學士錢從宋史校正又據景定建康志酒熙十年以端明殿學士錢良臣知府事奏上元縣荒圩并塞地五百餘頃不礙民間泄水可以脩築開耕十二年授資政殿學士十五年八月改提舉臨安府洞霄宮與此小異

鮑廉家五竈港咸淳中知臨江軍挂平虜將軍印德祐元年二月元兵渡江廉帥所部迎敵於天長六合間大小百餘戰眾寡不敵退入臨江城甲子城陷或勸之遁廉曰死守分也向闕泣拜而死子穆景定中宏詞科宋亡隱居不仕前志見武職今

據府志莊肅字恭叔號夢塘居青龍鎮仕宋為秘書院小史宋亡棄官歸隱性嗜書聚至八萬卷手抄經史子集下至稗官小說靡

所不具其書日以甲乙分十門元至正間脩宋遼金三史詔求遺書於其家得五百卷所著見藝文輟耕錄云夢塘既沒六年詔求遺書有以書獻者予一官江南藏書多者止三家莊其一也繼命危學士素特來選取其家恐兵遁圖識干禁悉付祝融其孫羣玉收拾燼餘悉載入京覬領恩澤宿留日久仍布衣而歸五茸志逸則云文宗時經筵語及唐聶夷中詩詢其有文集否諸學士以未聞對或言莊氏富藏書特旨訪其家果有彙集上之敕授教授又案莊肅前志列元據本傳肅仕宋並未仕元故移置於此

俞彌恭北橋人與子端皆好義樂施凡售物者自百緡而下隨所邀償之糴者每百斛必誤唱籌以裨其不足人謂之癡

孫彬生四子名英雄俊杰英四世孫宗源遭祖父繼喪撫幼

叔鏡成立事祖母以孝聞邑中推為世德

黃庚太學生能文工丹青宋亡不仕著有樵吟集

任良能字子益號清逸處士讀書樂道力行孝弟能詩文省府交

辟不起

張百五烏泥涇人隆興間歲饑數出粟以賑又捐千金建長橋甯國寺西有地號八千畝者常苦旱百五開長渠自烏泥涇直抵大浦引潮灌田人享其利

元

瞿霆發字聲父其先汴人扈宋南渡居下沙里父忠字君用以貴雄於鄉元兵次臨安游騎及境霆發年二十六挺身兵間率眾歸附境賴以全命為下沙鹽場副使尋以進義校尉同提舉上海市舶秩滿召見授承務郎兩浙運鹽副使海潮壞鹽場死者萬計霆發傾力救之流亡復還鹽事以集仁宗時居潛邸召見稱旨請以為集賢殿學士避不敢當陞中順大夫遙授兩浙都轉運鹽使尋以捕蝗功改少中大夫運使

浙東饑亭民死徙霆發稽戶數第物力而均之課更以最聞召見使未至而卒霆發幼穎悟事母孝尤樂善好士西湖書院上海縣學皆割田以資之子時學以蔭授雅州守皇慶間建鶴沙義塾祀先聖先賢給師弟子之廩膳不下於州縣學次子時習官至潯州路總管從曾孫懿字彥德幼孤事叔猶父同居三十年叔以非罪坐徙懿泣訴於官曰合坐懿叔無與官義而兩釋之

任仁發字子明

號月山

青龍人年十八宋咸淳鄉榜中式至正

十二年元兵南下游平章見而器之辟宣慰掾委以招安海島授青龍水陸巡警官會征交趾改海船上千戶轉漕直沽仕都水監庸田使司副使嘗建言河沙匯乃吳松咽喉不先此而他濬罔效凡郡境開江置牓皆仁發主之若隱楊牓奔

覆會通河淺澀汴梁黃河決浸歸德府杭州鹽官海塘崩陷  
 鎮江練湖淤塞仁發治之具有績效出知崇明加江陰尹民  
 多立祠祀之以中憲大夫浙東道宣慰副使致仕年七十三  
 卒祀鄉賢著水利書十卷善書尤工畫嘗奉旨畫渥注天馬  
 圖寵賚甚厚又有熙春圖並藏秘監子賢才考城令賢能涇  
 令賢佐台州判官賢才子暉字東白亦善文史詩脫去凡近  
 雄健有法與楊維禎游有東白集行世  
 任仲孚仁發之弟好義樂善大德間歲饑發米二千斛穀八  
 百斛以施貧乏部使者上其事詔旌其門擢其子良佐溧陽  
 教諭良輔信州壘山書院山長  
 唐時措宋末士人家饒於貲而好善嗜學能古文咸淳間上  
 海為巨鎮俗近商賈學校未興時措與弟時拱市韓氏屋請

於市舶提舉董楷作古脩堂以祀先師集諸生為肄業之所  
 至元二十八年始立縣即授時措為學官

費拱辰父察見名宦拱辰官武德將軍平江等處運糧萬戶

爵良顯侯縣初建學捐資經理之祀鄉賢子雄亦知名有祖

父風官昭武大將軍案費察長興人徙嘉興再遷上海總管

杜元芳字玉泉宋祁國公衍九世孫官德清主簿晚隱杜村

構翡翠碧雲樓度書萬卷又置別業於杜浦杜浦者周浦也

村與浦皆以杜氏所居名之子希仲有文名從子希伯字正

甫有潛德孫隲見後傳據府志補

杜英發字俊卿亦祁國九世孫也仕建甯路蒙古字學正遷

南容教授鄭志作容州教授歸隱西霞浦號西霞道人初季父

上海縣志

某無後養莫氏子為子後復以英發為嗣及季父沒悉以產歸莫氏子復為之冠娶待之不啻同氣族困於徭役倡置義田儲粟若干石以資之鄰里婚喪皆有給資產不逾中人而勇於義類如此案前志英發見獨行而元芳無傳今補又元考惟南志又列希伯於流寓以誤

何敬德號孤巖善人浦東民家子謹愿不妄言笑善會計事吳郡

張瑄行船筦庫不數年贏羨無算敬德不以毫髮自私瑄父子方倚任之亟辭去瑄既貴盛敬德布衣疏食以施貧賑乏為事勸瑄父子毋嗜進厚藏以速禍及瑄敗逮誅黨與而敬

德獨全大德十一年杭州大饑官設粥賑之仙林寺民爭食死者甚眾敬德擇好善有才智者數人即菩提寺設粥廠又聞饑民食沸粥輒死乘夜分儲大獲中明且皆集令相向坐

廡下虛其前以行粥食已以次去凡七十日日煮米至十石饑民無一死者明年夏饑復然又集破衣收邑中遺齒瘞之時為作破衣傳稱何長者而不名

陳明字彥古父勇湖廣等處泉貨少監明仕至中議大夫同知贛州路總管府事以嘉議大夫揚州路總管致仕卒贈嘉興路總管賜爵潁川郡侯據府志補

金子安字幼仁居漢城里七歲失怙母凌氏嘗遭疾子安稽顙告天求代母危困中忽甦曰適神語我爾子孝加爾壽三

十四及母沒乃三十四日也嘗市地於鄰除之得白金一罌亟召其人歸之三十四日前志作月今據鄭志

章夢賢字思齊宋同平章事得象之後九世祖柁以大理評事監華亭鹽樂其風土遂家於崧宅里前志流寓夢賢孝友通練

至順初浙西大水朝廷募民能賑五百石以上者爵有差夢賢出粟二千餘石而不受爵詔旌為義士之門與同郡管仲德等俱以散財周急聞元史後至元中薦授襄陽等處營田提舉建康等處財賦以父母俱喪不就買田置義莊以周宗黨建義塾以教鄉子弟伯兄多疾事之如父兄沒撫其孤闔門二百餘口無間言卒祀孝義祠子元澤字吉父孝而好義以父營義塾未竟復出田千餘畝助之易名清忠書院清忠二字宋仁宗書賜得象者也元澤初為丞相府舍人累官江浙財賦副總管母老棄官歸養自號庭來翁卒年八十五唐煜府志字仲明世居華亭後徙海隅鄉業不踰中人能自致饒富至順元年郡大水出粟五千斛於官以贍境內事聞授浙西袁浦場司丞秩滿轉江西蘆潭批驗所提領俱以廉

幹謹慎稱乞休賜七品秩又出粟賑饑至老彌篤卒年九十生四子九孫五世同居內外雍睦遠近賢之徐誠字信之十九保人父為金玉局大使遇疾刲股以進尋愈誠嚴於治家有儀法既富能賑施三族及鄉里之不能婚嫁者病予之藥死給之樽汲汲如不及至順元二年間歲大祲煮粥拯饑活萬餘人年四十六即屏妻妾斷葷肉以內外事屬二子錢法華經施四方所居多重洲復浦為梁木以通往來人始不病涉云至正中卒年八十六清江貝瓊誌其墓趙恭字思恭家貧母方氏臥疾久不愈恭齧臂肉作羹啖之疾尋愈弟敬父通患蠱疾割股肉為糜以進亦愈時並稱之陸侗字養正詩莊贍豪逸題詠景物尤善想像同時若王泳趙鎮殷汝舟姚玘王太初俱能詩文而侗為最

王文澤字伯雨

號梅泉

初家華亭楓涇後遷鹹魚港

今屬祖大青浦

言父京並有文采文澤學尤富下筆不襲前人一語所交多當世名人累舉不第為府學訓導所著見藝文子默字子章一字伯靜長八尺美鬚髯談吐高亮少任俠多技能弱冠更折節讀書書法趙魏公行筆甚健徵至京書金字浮屠經擬官翰林力辭求歸歸而求書者交戶父沒盡鬻書買山以葬廬墓者久之尤喜為人排難解紛奮不顧利害張伯雨稱其豪宕不羈有姜白石風嘗著雪齋明鑒錄秦裕伯亟稱之孫基明洪武初孝廉官潞州判

彭汝器字宗連博學有史才嘗評宋史以杜太后遺命立太宗與宋宣公舍其子而立穆公同為貽亂於後宣仁后預製小黃袍立哲宗為賢大旨類此貝瓊為撰筆議軒記深許其

識古今大義

余瑾生斡山因自號詩隱生幼時夢掘地得大小墨數百笏遂善屬文好游名山至正間自具區道毘陵渡江抵淮泗以直言干當事弗用歸山中著史補斷丹旌夜嘯金聲錄玉露吟若干卷或勸之仕則曰大丈夫仕當為天下除殘剗暴否則不如抱膝坐耳遂終其身

戴光遠字君實居白牛鎮其父暘谷規創義塾以私淑里人未竟而沒光遠經畫成之作堂室四十五間藏貯圖史延師儒招學者割上田五百畝贍之黃學士潛有記

興縣奉賢鄉有白牛里未

知是古今據通志入上海

朱弦字孟清性孝義邑令九柱聞公器之求於其父以為義子及聞失官野處寔甚弦克敬養沒買山以葬如禮復營怡

愉室母事閭妻三十年民有棄廬償通者無所棲弦為贖還里婦相煽奔論止之羈士趙謨教授駢塾被辟發顛疾走山中遇弦遂脫於難

秦良顥字信甫號述齋父知柔字元吉號節齋宋學士觀六世孫

世居維揚咸淳間為兵亂挾其綸誥譜牒圖像與弟知剛知微知立知彰同渡江後知剛知彰復歸邗溝知立居趙屯村知微居九圍知柔居滬濱會浙東宣慰使費察以知柔官裔通儒請律薦於朝擢江浙行省中書省倬使卒年七十四葬澹井廟北子良顯良顥良顯聰敏善記元貞初詔所在州郡習蒙古學乃游大名從師蕭氏盡究精奧攜摭史傳故事及時務切要者三百餘條譯以為書曰纂通又撥拾師言兼採別說為書曰一貫又取蒙古及畏吾爾問答之言為書曰吹

萬集一時南北為蒙古學者無出其右大德間進萬言策授

國子監學錄擢浙江權顯見流寓良顥附裕伯傳今考良顥名見辟薦同為元時人故移列於此使尋致仕子裕伯詳後傳案前志知柔良

王泳字季深宋進士日暉曾孫元衡山主簿鏞子也性樂易

自號靜習或問靜何習輒對曰習不由靜未曾學也先是奉

父遺命以庶弟奉其生母泳悉舉田宅畀之而自處卑陋緼

袍疏食晏如也門生輩為買龍華之原營壽藏扶杖臨觀作

歌曰蠶何物兮繭是室兮吾其願畢兮抑亦二三子之力兮

返謂其妻沈曰吾死貧無以斂得為黔婁妻也聞者高之

妾老尚績圖夫子煖老計不願如黔婁妻也聞者高之

俞庸字子中其先嘉興人占籍上海仕為推官詩載大雅集

子俊號雲麗水巡檢改平江判據府志補

上海縣志 卷十八

徐振字克振紫岡人少孤賴大父母誨育成立沒後廬墓六載王逢有詩紀之

趙如珪烏泥涇人建保和道院又於涇浦入邑孔道鑿并架庵以憩行旅其子宏毅闢齋舍延名儒以教諸子生徒負笈至者皆館穀之未幾庭芝第進士庭芝亦如珪子也其來學者越人郭進存色目人扎刺里了亦相繼登第元代南人登進士自庭芝始科貢表載庭芝字德瑞登至治元年宋本榜授歸安丞云即如珪子府志作宗文子詳第宅

錢全袞字慶餘吳越王後祖福宋承武郎自錢塘徙居華亭遂為郡人至正間松江達魯噶齊密里沙舉為從事省符民訟多見咨訪元末張氏據吳或諷以仕不答有脅之者則曰谷陽水清吾死所耳築別業於盤龍江哀周伯琦楊維禎翰

墨置一室號芝蘭室著有韻府羣玉掇遺續松江府志子徵

府志表明洪武初舉秀才全袞書清心潔己忠國愛民八字勛之後徵任綏德州判官有政聲據府志青志補

秦裕伯字景容號蓉卿又號葵齋祖知柔父良顯見前傳裕伯幼侍

父宦遊京師占大名籍由胄監成至正四年進士累官福建

行省郎中會世亂棄官寓揚州久之復避地上海居母喪盡

禮張士誠據姑蘇招之拒不往吳元年太祖命中書省檄起

之裕伯對使者曰食元祿二十餘年而背之是不忠也母喪未終出而拜命是不孝也不忠不孝之人又焉用之乃上書

固辭裕伯再上丞相書云秦裕伯者昔臣有元讀書食祿二十餘年今逢天數理宜棄捐自放為民釣水耕田明帝遠召仁智兼全仁而不殺智而求賢義弗敢往服病相連非惟服病廉恥係焉士無廉恥棄君如筌女無廉恥棄夫如鈿



廉恥道喪國何用海皇恐上書丞相之前轉告陛下洪武元

年復徵之稱病不起太祖手書諭之曰海濱之民好鬪裕伯

智謀之士而居此地堅守不出恐有後悔不得已拜書入朝

授侍讀學士固辭不允二年改待制旋為治書侍御史三年

與御史中丞劉基為京畿主考官尋出知隴州以疾辭歸居

長壽寺里六年卒即葬其地案南匯縣志傳據秦氏家譜謂

當從明史為是史稱為大名入則據登第籍貫言之當日情事

銘橫雲山王文澤墓結銜云奉議大夫前行臺侍御史延平

路總管兼管內勸農事此仕有元

陸文旺字時興號德林富豐莊人三歲能識心斗二宿長好讀

書蘄於經濟實用士望歸之處家篤於孝友楊苗之亂流寓

茗溪里人指其故廬曰此陸德林先生居也戒弗毀洪武三

年詔舉賢良除武昌府倅當偽漢兵燹之餘茹澹服勞悉心

撫字尋擢守饒州乞骸骨歸出俸金分賚其宗親曰毫末皆

國恩也年八十九卒四世孫鐘南志字民用自號東泉翁有

心計父娶後妻授銓老屋數間勤儉作苦寢成鉅富東鄉地

高畏早銓濟河引潮灌田萬頃磽瘠悉成良沃嘉靖間倭奴

入犯捐金貲十萬助餉賜懷遠將軍銜建坊旌之七世孫繼

皋字舜臣號鳳諸生入國子監祭酒瞿景淳器之薦楚藩參

軍王入覲汰其運役官民稱便遷遼東都司斷事時朝鮮使

上書欲遣人入遼陽習華言部行守道會議力陳不可得寢

以病乞歸年六十五卒參府志南志及雲間人物志前志

杜隰字宗原祖元芳父希仲見前隰好學持正非聖賢之書

不讀非其人不交洪武初中詞科為太常贊禮郎時麓川平

緬未下議遣使宣諭而難其人有以隰名聞者召對稱旨賜

襲衣囊藥力士重譯為介以行至則詰其不庭卒以其人入

貢上嘉獎授禮科給事中以疾辭歸兩賜手書存問卒年三

十三著有雙清集紀行詩弟桓善論時事亦能詩有九峯一

叟稿案府志隔傳亦云洪武初中詞科而前志選舉表列入

奉使必在此時表乃列在永樂誤矣

黃良臣良佐同祖兄弟也洪武四年春某倉儲事覺連及械

送秋曹臣謂佐曰元季凡隸於倉者猶荒桂趁熟耳今禁嚴

不啻火燎毛我本孤嬰保護傳教皆叔父賜我幸無內顧第

委之我爾生還葬我先壟以報叔父於地下遂相對慟哭聞

者不忍仰視比推鞠一如所言而佐得釋王逢為作黃良臣

哀辭據梧溪集補案此事與府志陸南金事絕相類府志南

突入南金舍事覺詔御史捕案南金當坐重法弟趙壁自言

匿從道者我也請死南金固言弟自誣不情御史怪之趙壁

曰母未葬妹未嫁兄能辨之哉生無益不如死御

史驚上狀帝遂皆宥之若良臣所遭為不幸矣

全思誠字希賢博學能詩文仕本郡學正洪武十六年以耆

儒徵授文華殿大學士兼左中允年已九十餘不就帝曰以

卿高德煩輔導太子耳免卿早朝從容侍對庶不負所學何

辭焉明年思誠復請老乃敕曰卿懷才抱德志肩古人惜乎

以衰老之年志雖存而力不逮朕不忍復勞令卿還鄉里以

撫子孫享其奉養思誠詩學盛唐王逢輩俱尊之為耆宿云

祀鄉賢明史附鮑恂傳前志辨證云思誠鄉人稱為閣老何

閣各官凡資格最深者推為閣老不以品秩論

俞宗大字養拙彌恭裔孫居竹岡西族大而盛人呼其居為

俞莊從父仲幾工書與宋克相友善宗大得其筆法工行楷

以薦授中書舍人歷吏部郎中致仕進階四品年九十餘卒

子琪孫順皆能書琪為中書舍人正統中殉土木之難順以

郵敘為國子生仕至南京鴻臚寺丞

董紀字良史父成有詩名紀詞翰俱美凡賦詠一出輒膾炙

人口與袁凱陸居仁吳哲輩齊名洪武初以薦任山西僉事

尋引疾歸有西郊笑端集

胡秉中洪武初舉人才知行唐縣事以禮教民製孝順節義

讀書三圖曰諭俗編以獻詔頒行天下前志見

沈德四洪武十四年府志作祖母張邁疾德四割股食之即

愈久之祖病德四又取肝作湯以進隨飲而瘳二十六年有

詔旌其門仍徵授太常寺贊禮郎卒祀孝弟祠後有盩者少

畏粗不娶人稱義夫有司旌之又有愛松者歲饑代輸一區

糧明年饑復然以俠聞案舊志作沈得四明史孝義傳則作

德四又以為華亭人郭府志亦同且

云崇禎癸未進士沈龍即其後而明史又記洪武時以孝行

旌者別有上海沈德故前志疑是一人顧府志則云是上海

人時去明初未遠

必當有所據矣

顧或字孔文以明經為本邑訓導詩文豪整奇麗有古作者

風學於王逢與錢鼎賴良結詩盟雄於元季有客夜詩云露

玉籟幽關河今夜客天地十年秋鼓角悲新

鬼衣冠憶舊游都將周顛淚灑遍黑貂裘

安逢為賦揭座右累官至戶部侍郎著有上海縣志四卷今

不存所傳柳枝詞亦無全稿矣

何廣字公遠宋秦國公中立見游九世孫博學多識洪武初

以明經薦為江西上饒令尋擢御史遷陝西按察副使精於

律學時變亂成法者當大辟法家因仍凡事有所改易輒以

傳議廣曰嘻如是則大辟者接踵矣此但為變亂成法者言

之蓋禁於所不犯也解學士縉覽而是之及卒禮部主事俞

允狀其行曰居鄉里則稱鉅儒任郡邑則為循吏在風憲有  
澄清志位藩垣得大臣體蓋紀實也所著有律解辨疑五世  
從孫璵字廷玉以貢授江西饒州通判陞同知督理審廠久  
於其職以清慎聞裔孫萬化及子安世見後傳前志據雲間  
家譜云中立者許州人紹興間進士建炎初借弟滄南渡滄  
居青龍鎮中立家黃浦南地名余河潭九世至廣起家故何  
氏世為上海人明萬曆間三畏父  
之龍又徙郡中故三畏不隸吾邑

夏長文所城人洪武初以人材舉南志作永樂初拜監察御史劾右  
都御史袁泰違法擢左僉都御史後以建言全家戍邊惟幼  
子貴繼舅氏倪得免遂承舅姓鏞淑其後也鏞淑見後傳  
夏禮字公立唐行鎮人洪武中貢入太學拜監察御史有直  
聲太祖為開其軍伍嘗上疏劾勳貴忤旨出為知縣奏減各  
處均輸商稅從之永樂初以薦為御史陞河南按察副使謫

戍武清文皇北巡再召為御史使至南京值牖水溢漂沒  
民廬亟令有司疏洩上聞而是之復以薦為陝西按察副使  
積歲疑獄一言而決以內艱去陝西數千人詣闕借畱奪情  
還任卒於官

夏宗禮洪武中糧長也畏謹好禮田賦皆先時而集愛恤細  
民銖兩無取宋濂為作壙記五茸志逸  
作夏宗顯  
張年字公壽元季從鴛湖避兵海上因家焉父綸為太醫院  
御醫以事被逮年徒跣詣闕冒死陳狀卒白父冤後以明醫  
徵不就永樂中廷臣薦其才下詔徵聘年復固辭時人高其  
雅尚為詩文工而有法所居白沙鄉舍旁隙地種杏成林人  
稱杏園先生

王守信字蕉雪建文時布衣授徒自給靖難兵起憤鬱絕食

死

劉仲禮字用和以春秋明經辟召至應天遇靖難師入不食  
 七日死子庸字文中能詩永樂二年進士官監察御史孫鈍  
 鈍兄銑永樂間以會計事坐法繫京鈍婚二日即趣裝護行  
 後兄思歸鈍陰乞守者代兄兄歸給父母謂弟病道卒會刑  
 部訪善書者獄吏以鈍聞試之稱善為釋其罪而禮遣焉比  
 歸家人驚為鬼鈍具告父母兄自愧逸去鈍亦不明兄之給  
 已也鈍子璵字鍾美天順三年舉人官至建甯知府平易近  
 民有惠政祀名宦與從子充字復之成化間以貢授汀州通  
 判調浦城軍民稱便晚歲歸與鄉士作晚香會數年卒又劉  
 氏之能詩者若璵孫燾字松山任九江照磨又永豐字宜日  
 任蒲州同知士奇字希賢任俠負奇詩宗陶白且樂施予士

奇子邦輔字晴原邦重字季球以歲貢任永甯知州有吹藜  
 集皆仲禮族也

王思陳府志洪武三十三年由人材令永春性聰敏勤於吏

事蠲稅糧均徭役嘗奏革額辦緹匹民德之

趙公器洪武初以人材薦舉任道州知州有善政立法最嚴

行之以恕仕至應天府丞卒祀湖南名宦祠

王掖其先山陰人父逢元季避兵海上遂於烏涇家焉逢見

傳洪武初以掖經明行修徵為通事司令轉翰林院博士與

弟攝竝有詩名據府志補

朱璘字公璧新場人醇樸有孝行洪武中以孝廉辟刺趙州

清白勤敏得士民心秩將滿謂僚友曰璘以一介布衣擢此

位揣分已過競進何為即還政歸

上海縣志

卷十八

三

莫景行里中耆宿洪武間以事入朝對揚稱旨賜寶鑑曾孫諱字汝敬成化二年進士官大理寺評事出為雲南僉事以清狷聞致仕後優游林下不入城府

吳千文好學尚禮由儒士任漢中府通判雲間人物志作宣表則在洪武間以懷德間人前志選舉

錢驥字子良漢成里人由儒士善書舉任晉府紀善工詩文

所著有砥齋集

葉宗行葉家人讀書尚氣節永樂初東吳大水松江尤甚宗行以諸生上書請濬范家浜引浦水歸海禁民毋築壩上善其言命從尚書夏原吉治之水患果息原吉還薦其才擢知錢塘縣定役法俾民自占甲乙按冊呼之役遂以均嘗坐堂皇有蛇升階若有所訴宗行諭之曰若有冤耶吾為若驗

之即遣隸尾蛇行入餅肆爐下得屍蓋肆主利其財殺而瘞之也又嘗江行有屍骸挂舵尾礙不能進推問則里中無賴子所沈者遂俱伏法民以為神仁宗在東宮聞其治行戒所司善視之按察使周新風裁嚴峻嘗伺宗行出潛至其署發笥惟笠澤銀魚乾一封新歎息攜少許去明日召之食曰此君家物也飲之至醉出三品儀從導之歸宗行辭不許曰此位可立致奚辭為時呼為錢塘一葉清十五年督工匠營北都道卒新為文祭之有曰惟錢塘之江水與君萬古而俱清朱木字楚材號靜翁祖仲雲南志作雲由蘇州始遷華漕父克恭徙邑治東南志作遷張士誠亂木攻左氏春秋兼長黃石公學太祖聘用多運籌功旋以事下獄上書自理得減永樂時上安邊十二策適榜葛刺國貢麒麟上麒麟頌深見嘉納所

著有靜為集靜軒行藁子元振號怡隱居不仕有壽梅集文

待詔徵明為之序南志參元振子佑字民吉景泰元年舉人

仕南昌府同知性孝友亦工詞翰按前志據朱氏家譜木祖

邑治東則南志稱由黃翰字汝申南一竈人永樂十年進士歷官山東按察使多

權畧決獄如神詩文豪健敏捷下筆立就字畫亦迥勁案前

證黃翰作華亭籍故止列表而南志則張衡字允平鄭志作以平南永樂十三年進士前志遺事載

作南雁籍時未分縣應作邑人今據南志補張某以網昇歸得生後有孫衡一篙浮沈五晝夜遇故人宣德

問拜監察御史上澄清風紀疏忤旨謫戍遼東卒嘗貽書於

其孫穀曰本以名義經心不顧利害日望汝成立慰我冥冥

穀字濟民成化十一年進士距其祖登第年甲子適周人以

為異授內閣中書舍人尋引疾歸宏治初起脩憲宗實錄書

成同事者皆進官穀止加俸意恬然又三年陞湖廣參議提

督泰岳泰和山至周覽嶽祠謂道流曰汝輩處此非偶然宜

勤脩以答天貺是夕沐浴晨起更新衣出廳事方執筆判署

目微瞑遂卒穀風度清遠眉目如畫與人言從容簡當無疾

言遽色事母孝養二姊終始以禮恬退安雅望而知為篤行

君子云穀子抑以歲貢生三任教職卻饋周貧有卻帶說卻

銅雀硯文參南志李昇字仲高永樂十三年進士任吏部考功司郎中操守清

介卒於官據雲間人志補楊琪字廷瑞凝重穎敏永樂十五年舉鄉試第一明年成進

士改由庶吉士授編修以疾告歸性至孝以祖德亨從宦葬

陝州之靈寶百方規畫卒返其柩祖母蔡佞佛臨終遺言用浮屠法火葬琪曰非治命也卒棺斂如禮琪卒無子高博其外孫也

黃恭字孟莊永樂十八年舉人任刑部主事廉公不苟正統中出知贛州府有惠政以父喪去贛民如失怙恃服闋改守

黎平適苗獠叛朝廷將命將征討恭先請往乃單騎詣賊營諭以恩威賊感泣羅拜全活甚眾以功食三品俸歷九載卒

於官子彥宏博學倜儻有父風案府志據貴州通志稱苗逼糧糗定計討賊遂平之復招集流亡出俸賑饑全活數十萬與此有異又案封贈表恭以刑部主事封其父銘即所稱西郊草堂者

陳質字文彬永樂二十二年進士拜監察御史擢湖廣副使風操凜然論事折獄雖權貴不能屈嘗參靖遠伯王驥軍事

多謀畧以山東參政致仕歷官四十年清謹如一日家居杜絕請託親舊不敢干以私卒年七十五

張倫字文簡號林趣居七寶鎮以氣槩自雄好讀左氏春秋及歷代史尚氣節有古俠烈風宣德中郡丞馬運稅糧十萬斛

赴徐州監收內瑞拒弗納丞惶遽無策倫儒服入見曰人謂平江伯無善謀也信夫以十萬之眾治河打淺誠無善策若

以十萬人築城浚河擴倉廩以接南糧待水發運京則事蔑不濟矣今乃委十萬糧於草野設有他變誰執其咎者瑞大

悔悟遽納之其談言微中多類此先是周文襄忱巡撫江南病征輸無法倫獻策立水次倉民以為便倫在幕府垂二十

年忱欲以葉宗行例薦不應暮年家居猶憫吳松蒲匯淤塞歲比不登上書葉知府冕請疏濬之而自經紀其事家美園



池竹木人稱為園上張云子齡天順三年舉人官至浙江溫州府通判

許進永樂中歲貢授韶州府同知府志作常甫到官即出俸

倡修學校興利除害撫民如子終明世為丞倅者以進為最

李伯璵字君美號養菴宣德元年舉人歷桐廬山陰秀水安福

四縣學官先是桐廬累舉缺人伯璵至識姚文敏夔於少年

曰一夔足矣授以春秋未幾擢第山陰學或傳風水不利科

自伯璵曰顧師弟子教學何如耳卒不徙後仕者相繼遷淮

安府長史從王入覲左右將有所請伯璵不可曰君臣之間

有賜無求求則瀆瀆則不敬王府使者入貢與縣令爭道詔

下令於獄伯璵請并治使者以戒生事官校有犯王因宿憾

械置於市將斃之伯璵請論如律卒全其生王有疾左右請

施僧祈福伯璵謂不若貸丁役錢以甦衛士從之卒年八十

六祀鄉賢所著有文翰類選百六十三卷子澄清竝進士澄

字希范天順元年進士終福建左參議恬靜有守不慕榮利

清字希憲景泰五年進士授工部主事遷南京刑部郎中獄

多平反除母喪將補南缺冢宰姚文敏以其父舊恩欲留之

謝曰荷君盛意知者謂公特簡不知者謂清有所干也姚歎

曰真君子也由南京兵部郎中出為湖南右僉議轉左雪陳

留民賈忠之寃寢司徒孫鼎轉漕貢河之議尋調四川在蜀

十年清謹一轍人比之趙清獻後為湖廣左布政卒清弟深

伯璵第八子也字希達少有雋才妙解音律隨父在淮府淮

王愛之疏請納為儀賓太后特召入都賜婚中外榮之前志

志稱伯璵所城人今據李氏家譜為縣二十一保陸道浜人

蔣性中字用和號檢菴 鶯脰湖人宣德二年進士有司舉故事欲表其門時鶯脰湖病涉久性中曰榮吾家曷若利吾鄉即移所費建尚義橋於湖上除兵科給事中清介自持上疏劾巨璫王振請節閹寺錦衣諸冗食以養驍勇嘗奉使過家駕小艇令村僕二人更挽之自坐舟尾持櫓觸行舟舟人以篙擊性中笠呵罵之僕厲聲曰此蔣給事也性中叱曰奴輩欺人此處那得有蔣給事促牽船去旋出為江西參議有惠政以疾乞致仕章四上乃許歸家躬耕養母杜門不出周文襄忱撫吳時每往謁性中出蔬食款論竟日終不報謁一日邑令往候及門見有蓑笠從田間歸者不顧竟入頃之束帶出迎即所見蓑笠人也其古樸類如此祀鄉賢性中從父茂字茂齋正統間由歲貢出為蒲圻丞民感其惠遷蘄水令卒肖

像以祀子麒欲歸葬蒲圻民曰使君生時樂此遂葬之子孫居蒲圻為蒲圻人祀名宦前志遺事載性中為諸生時每夜問其所自來一夕遺一篋曰君他日得意願之及登第發視凡冠服悉具後又來索篋去無何蔣逝蔣在京與于忠肅聯舍蔣生子客致賀卜日會飲及期聞于公喪蔣曰于公方哭而吾召客非人情也遂易他日又嘗泊舟江濱有官舫至招蔣過船對奕見奔一女問之曰以汚濺江流得罪蔣為力請命以奔投之江語蔣曰我先去明日君弗行既而見舟凌風去上有旗曰江湖劉使君死方甦耳是日行者皆覆溺詢之曰我婦以血衣澣江猝死今方甦耳是日行者皆覆溺朱允字克信號溪山 沈莊人景泰元年舉人官連州牧秉心清白興利除害論者方之劉禹錫以征蠻功陞知平樂府有政聲善吟詠著有牧民集據府志補 唐瑜字廷美號拙菴 其先江陵人宋參政介之後高祖英洪武初官上海烏泥涇稅課局大使因占籍焉瑜九歲失恃事繼母如所生景泰二年成進士授南京禮科給事中出守衢州

有惠政會歲旱且疫為文禱於神雨大作疹疫亦消後凡禱輒應吏民相與勒石於周宣靈王廟衢有孔子祭田為豪民所奪瑜以俸贖還俾供祀事孔氏子孫繪其像於家廟生祀之有貧民為媒蝕婚家聘金事迫鬻妻子以償瑜曰此為民父母者之過也吾不忍其畏犯法而棄妻子贖歸之龍游民張福以艾戕數人而嫁其禍於金已誣服矣瑜一夕廉得其實遂出金坐張民以為神及去立祠祀焉後參政湖廣襄河為害作隄障之置廣儲倉歲饑發賑全活無算尋遷山西布政改雲南定土官世襲法及給散滇糧事俱有條貫久之擢都御史巡撫甘肅會詔使諷織細屬充貢瑜執不從黜弁田廣等復陰搆之坐劾去宏治五年詔復原官致仕卒衢民間喪奔哭者累月不絕

唐珣字廷貴瑜弟天順元年進士授四川合州知州勸強植弱有能聲陞南京刑部員外郎郎中出知福州時久旱珣入境即雨人相賀故事當先謁藩府珣獨詣署即視事有妄男子詐為中貴人汪直入聞勢張甚僉事以下多被摧辱珣獨疑之壁人於浴室窺之得實即座上執之置諸法同僚駭服遷湖廣右參政陞布政使入為順天府尹豪右斂迹以右副都御史整飭薊州等處兵備兼巡撫順天等處丁憂去即家起復右都御史總督兩廣軍務兼巡撫以破賊寨功賜金幣降敕獎諭宏治八年卒賜祭葬如例案前志選舉表載珣景又府志第宅稱唐珣唐珣宅一在縣南一在縣東即今東西唐家尚也前志以兩宅並屬之瑜今為訂正而並補珣傳顧英字孟育號草堂父敏字文敏號清隱洪武初以父仲睦受誣被逮論死敏年十三刺血上書白父冤朝廷憫之得減放歸

詔旌其門敏生平樂善好施年八十餘夫婦結草龕偕坐日  
惟飲酒勺許成化中俱無疾而卒敏祀孝弟祠英天順三年  
舉人授廣西同知民楊姓兄弟爭產各以百金賂英英佯許  
之比訊問若所爭幾何弟訴兄匿五十金英曰若爭五十金  
而乃以百金求勝乎顧吏出其賂分償之兩造愧服尋改延  
安會兵荒民多逋負英移文所司乞以舊糧量改輕齎候完  
俸支折色民賴其惠歲饑先發倉賑濟後詣監司謝罪上官  
嘉獎之後守廣南屬車里仇殺宜慰板雅氏者死嫡庶爭立  
英冒險行千里卒定其事致仕歸築南溪草堂賦詩自娛又  
出田十餘頃爲義莊以贍族英子澄成化中輸賑粟千石授  
承事郎澄子定芳字世安以德器稱練達世務尤精醫理世  
宗建聖濟殿召爲御醫問之曰用藥如用人又問攝生以清

心寡欲對世宗嘉之曰定芳非醫也進脩職郎致仕父母疾  
以口續食以體藉臥稱純孝初定芳嘗爲夏文愨言重客言  
論死西市賓客莫敢過門定芳命其子從禮哭而收其屍平  
生輕財好義族人仰以衣食者甚眾置學田百畝贍貧儒邑  
令鄭洛書有惠政沒而三喪不舉定芳赴莆田市地葬之仍  
置田歲賙其子與英並祀鄉賢從禮字汝由朗淑有文世宗  
狩承天詔選善書者給事行在從禮被薦稱旨授中書舍人  
辦事制敕房兼翰林院典籍預修玉牒永樂大典承天大志  
侍經筵歷官太僕寺丞光祿寺少卿加四品服致仕家居喪  
祭盡禮兄弟無間邑因倭亂始議築城從禮出粟四千石作  
小南門又置義田助里役周貧睦族不減祖父風從弟從義  
字汝和號硯山由上舍生選授中書舍人轉大理評事好文愛

士吳越間推為風雅藪澤摹刻各帖俱見金石

前志遺事載英於至治已

酉營生壙於肇嘉浜上雷雨大作磚埴之屬忽移於南數丈

外其鋪藝巧異非人工所及有白字倒書於華表石上云雷

浦大將軍石守信字畫道勁有晉人筆意又從禮嘗舟過黃

浦孫家灣遇二龍取水瀉其舟起空中見龍華塔反在其下

頃之舟墮乃三林塘西岸已去灣二十里是日壞船無數而

從禮舟反無損云案府志敏松澤里人故並見青志然英

築南溪草堂在肇溪南又從禮出粟作小南門皆

邑城事豈敏先居松澤英後遷草堂歟識以俟考

王祐字天錫庵號貞宋進士迪之後父鉉贅於高承高姓景泰

四年舉人成化丙午授泉州同知泉多山谿民倚險為梗祐

訓以德義皆相率從化積逋不督而集凶年出粟貸民念山

鄉險遠總授而分給之民稱便嘗道漳州宿山間有負豪家

債而憤其逼者期旦日聚攻豪亦陰為備祐遣人諭以禍福

片言而散一日令所部市茶其人密置銀二錠以進祐笑卻

之屏其人弗復接丁外艱歸部民千餘人攜金錢跪贖皆不

受歷廣平東昌二府操履如一晚居邑西四壁蕭然不以介

意時鄉人作三婦說以喻士大夫獨目祐為節婦云

前志辨王

迪舊志列宋代進士中今案王氏家譜云迪十二世孫鉉贅

於邑之高氏多其德因承高姓曰高王支鉉子祐中景泰舉

人榜姓高據此則鉉始為上海人其先皆汴人也又裔孫文

炳中隆慶舉人亦榜姓高卒葬南門外里人猶稱高家墳至

王氏有名壽俊佩泰應恩佐遷喬借春頌國材廷貞陸彥俊

臣者舊志科目俱書祐之從弟及孫會考之家譜多不合當

正之譜

沈瑜字廷美景泰四年舉人成化初預修英廟實錄授中書

舍人遷尚寶司丞宏治三年遷少卿四年陞南京太常寺少

卿十四年卒賜祭葬如例瑜美姿容善談論文藝政事有可

稱者以重聽故不獲擢用

沈祿字汝學永樂初徙京師占籍宛平中成化四年順天舉

人任通政司經歷特旨超遷本司參議進通政使侍經筵遷

二子系云

卷之八

三

禮部侍郎仍掌司事祿儀貌偉然每大廷敷奏音吐鴻暢進退間雅爵位益高謙異愈甚檢束家奴不得與民爭利冊封晉藩饋遺謝絕卒贈本部尚書子祭葬子鈇字建之正德初以廕授光祿寺署正出知甯海州興學校省徭賦癸巳歲歉發積穀萬餘石賑饑所活甚多民歌之曰甯海之民太守生之甯海之水太守飲之太守一去誰其嗣之前志遺事載通宗張后姑也后父密歲貢生與濟人封壽宦侯初家貧選后時費多出於沈后甚德之沈本邑人承樂初徙京師宏治間由宛平通籍任通政司經歷一日內批特陞通參臺諫有言非例孝宗即寢不行九年始陞又九年陞副使又三年陞通政使擢禮部侍郎卒贈尚書諡皆舊典以帝后至尊不肯一撓公法自致功名非因感晚通顯也案祿無傳殆因宛平籍故茲據府志參雲間人物志補

郁文博字文博景泰五年進士擢御史有直聲歷湖廣副使撫蠻寇活三十萬眾居官清介一錢尺布不妄取妻子衣敝

縕飯脫粟晏如也嘗有老蒼頭夜侍忽泣語曰主人安能常在官中耶家計日落奈何不為子孫地文博艷然曰子如貞婦苦守垂白矣爾欲污我令我後不得為清白吏子孫耶提手擲之清操益厲致仕後歸居萬卷樓年七十九丹鉛校核不去手云前志遺事載文博家居校刊陶九成說郭一百二邪目力心思俱竭盡不知有後益後人無其風趣如此

談倫字本彝鶴坡里人南志作趙家樓人天順元年進士長身豐頤瑩然玉立觀政吏部時王忠肅翱為冢宰意輕南士見倫瞿然曰南方有此人耶授驗封司主事歷官郎中翱每入見輒以倫自隨上問之翱以名對曰臣老矣聖訓恐有遺忘此郎能代臣志之且其人可信也上欲大用之翱謂年少資淺他日用之未晚丁母憂服闋補虞衡司擢應天府丞是年鳳陽

大水守者匿不以聞倫自署奏詔免秋糧數萬進尹應天改

順天至工部右侍郎倫與尹旻善會萬安李孜省因憾罷尹

尹出都倫獨餞之遂亦罷歸成化初孜省伏誅逐者多復召

倫以病不起前志但云罷歸子田字舜于號東壽字舜年西

右嘗構園亭顏曰朋壽志娛親也四方紳士過之必流連觴

詠今所行談牋乃其家遺製田著有朋壽山園記及小園詩

百篇月令詩一卷王文恪鑿屢薦之不起壽名噪諸生正德

間為僉人所忌賚志以沒陸深志其墓從孫承儒字元珍嘉

靖元年順天舉人為衢州司理卒於官著有且適園稿前志

黃州州多虎時有火災又江水常暴至壞民廬舍壽祈祝輒

應民愛信之遷廣西參政未幾遷江西按察使宏治初晉太

僕寺卿條奏馬政十事報可用薦巡撫山東值歲饑霽區別

銀五萬餘兩府志作五米二百餘萬石賑之存活甚眾召拜

大理卿用法平易卒賜祭葬鄭志稱壽歷官三十五年其間

鄉人尤子泰字時暘號東宏治十二年進士以刑部主事理

漕淮揚弛軍士淹禁者百人去日籍公帑若干繕築石隄數

百丈以防湖漲遷主客員外郎時逆瑾專政賞賜屬國多紊

舊例泰上疏復之擢太常丞出為江西參議值饒信姚源盜

起都御史俞諫檄泰軍前督餉倚其力用俘獲男女具訪鄉

里親戚還之事竣賜白金文綺先是柄兵者議撫東鄉賊渠

授以冠帶泰不可主議者疾之遂謝事歸泰嫡長應得父大

理卿廕不以屬子而讓庶弟臨人尤難之卒年七十三

上海縣志 卷之六

三

計璠字廷玉天順六年舉人宰封邱潔已惠民治行稱廉平以不能事上官乞歸閉門教授謂其友張弼曰古之仕以行志今之仕以行勢降志從時吾不能也吾且歸浦上讀古人書以安吾素足矣雲間人物志謂璠乞歸不許又云張東海無曾孫安邦字伯懷先世居沙岡天啟四年舉人崇禎間知通許縣調餘干盜賊蠶起官司枳陘鄰境樂平令楊逢春作亂張六瑚等聚眾焚劫餘城無備突入官署迫令助餉安邦瞋目叱之賊不能屈會總兵王得仁帥師來救訪安邦所在出之擢吉州理刑吉城為土寇潛踞安邦招餘干壯士章才章奇等百餘人間道趨吉焚其木城賊潰走奪其所攜男婦六百餘人慶再生擢臺省未幾歸屢召不赴據府志南志補志

董綸字誠之號介軒天順七年進士知上饒縣上饒故孔道綸嚴期會賦不校而集屈踐吏吏緣為奸利乃總會而劑均之歲饑貸民故事軍不得與綸曰獨非吾民耶均貸之相上所宜教之樹藝邑益以饒民取山木軍士冒為奪之綸合鋸迹觀之立判懸官量為民式市僧私造二斛踰制一日雷碎其斛於縣庭擢南御史掌河南道事罷歸又七年卒年八十四子六人登科第者三恬忱懌恬字世良鄭志作世宏治九年進士初授工部主事改刑部錄囚浙江多所平反正德三年擢大理寺少卿時逆瑾擅權流毒縉紳恬持法詳慎忤瑾瑾怒罰粟輸邊復奪俸三月八年罷歸年七十四卒忱字世恒與恬同年舉進士官肇慶府知府懌字世康廉直高節初以經明行修薦觸時諱罷歸後舉宏治十四年鄉榜知磁綿二

上海縣志 卷十八 董綸字誠之 號介軒 天順七年進士 知上饒縣 上饒故孔道 綸嚴期會賦不校而集屈踐吏吏緣為奸利乃總會而劑均之 歲饑貸民故事軍不得與綸曰獨非吾民耶均貸之相上所宜教之樹藝邑益以饒民取山木軍士冒為奪之綸合鋸迹觀之立判懸官量為民式市僧私造二斛踰制一日雷碎其斛於縣庭擢南御史掌河南道事罷歸又七年卒年八十四子六人登科第者三恬忱懌恬字世良 鄭志作世 宏治九年進士初授工部主事改刑部錄囚浙江多所平反正德三年擢大理寺少卿時逆瑾擅權流毒縉紳恬持法詳慎忤瑾瑾怒罰粟輸邊復奪俸三月八年罷歸年七十四卒忱字世恒與恬同年舉進士官肇慶府知府懌字世康廉直高節初以經明行修薦觸時諱罷歸後舉宏治十四年鄉榜知磁綿二



州嘗發僉事某奸自劾致仕恬子宜陽字子元師事天台王  
 度同郡徐獻忠日讀萬言博觀周秦諸子百家小說及國家  
 掌故郡縣文獻叩之能縷數以對詩法高岑晚嗜元白文酷  
 茂典雅以古為宗家居硬黃石凍日不去手有故人開府浙  
 西客持金錢乞請關說拒不納與弟宜旭友愛肫至當析產  
 時拜告先祠讓產於弟而自持門戶嘗居紫岡人稱紫岡先  
 生自號七休居士所著見藝文明史附見何良俊傳明史載恬以附  
 劉瑾除名恬自辨曾忤瑾罰米餉邊章上不報疏載陳府志  
 又前志遺事載董氏始祖思忠墓在沙竹岡間相傳為厲布  
 衣所定墓前柿樹一株每結一實董氏  
 必有一人獲焉自天順已卯科繪始  
 戴春吳會人字景元號未從弟曦字景暉號西同受業於周  
 編脩廷參同領鄉薦春天順七年進士纂脩實錄授南京考  
 功主事歷員外郎郎中兩管大計人服其公擢守順慶未任

卒職學優才敏外坦內嚴歷中書舍人任南京刑部員外郎  
 卒於官又所字景昇號正統十二年舉人令臨漳擢知陳  
 州均善政績州人為立生祠乞休歸進朝列大夫昌以歲貢  
 訓導天台工書畫皆春兄弟行春孫恩字子充正德六年進  
 士授工部主事轉員外郎中擢陝西參議恬和警敏初視權  
 武林歲歉多負課恩曰吾甯自獲戾不效培克吏也御史王  
 堯封為奏免之尋職營建出納物料總理勤慎先是運木民  
 夫不堪勞役疏請用三輔軍士踐更受役後開寶應裏河增  
 脩谷亭上下壩驛傳苦煩擾恩悉為區畫武宗南巡郡邑  
 吏往往棄印去恩獨與總理河道御史龔宏經理供億不為  
 苛擾以勞瘁得疾歸  
 喬益字以謙兄弟友愛白首不衰性好施成化三年歲饑出

粟五百斛賑給鄉閭

金獻民字舜舉世為閔行鎮人先有戌籍在蜀獻民父爵依金祐於綿州遂以綿州籍成化五年進士官陝西提學副使獻民成化二十年進士除行人宏治初授御史巡按雲南順天並著風裁出為天津副使歷湖廣按察使正德初劉瑾亂政追坐獻民勘天津地不實斥為民瑾誅起貴州按察使歷南京刑部尚書世宗即位召為左都御史遷刑部尚書執奏奸黨王欽王銓不宜貸死不納尋轉兵部尚書五星聚營室其占主兵請救天下鎮巡官預守戰之備且請用賢納諫罷土木屏玩好帝頗采納太監邱福潘傑死詔官其弟姪張欽死以家人李賢承廕賢死復欲官其子獻民先後執奏帝皆不從土魯番速檀滿速兒寇肅州命兼右都御史總制陝

西四鎮軍務捷聞還京仍理部事錦衣百戶俞賢中官泰養子也以中旨管事獻民言賢本廝養不宜濫竊名器又言錦衣副千戶李全王邦奇等冒濫論功皆不聽尋引疾歸未幾邦奇訐前尚書彭澤詞連獻民奪職閒住初大禮議起獻民數偕廷臣疏諫帝不悅由此得罪隆慶初贈太子少保諡端簡明史有傳子皋正德六年進士翰林院檢討皦正德九年進士工部主事其族有金璋字秉之號質庵亦閔行人正德戊辰輸粟助邊恩授指揮顧清薦領北京禮部習字冠帶儒士嘉靖二十三年以親老辭先是有金鼎者築石梁於閔行鎮名金家厦前志云疑即金家庫義授散官迪功郎至是圯壞璋自閔行至七寶徧築之憫邑之糧役繁苦倡義助役捐田五百畝復創義塾營義冢有司以三義旌之前志據補華澤國紀聞稱獻民為綿州人青浦志又

作海隅鄉人考金氏家譜其先有名通甫者由朱涇遷上海  
閩行鎮世居焉通甫孫俊五成蜀遂占籍於彼綬純紳皆其  
孫也又有爵者亦通甫元孫嘗游綿州依金祐遂從其  
籍生一子即獻民也據此則金氏入蜀籍之故始明

黃祚字公祐世居高家行慷慨好義成化六年捐築捍海塘  
數百丈以衛田廬故名黃家灣子泂以薦授中都留守司掾  
尋辭歸闕池館集觴詠讀書課子有高逸致

周洪字廷誥成化十四年進士除蒲圻令勸農力田植桑麻  
令婦女業紡績治絲枲驗其勤惰而賞罰之高原置筒車下  
隰創陂堰民賴饒給鄉置社學市田三十畝令生徒父母合

力耕稼復其徭役為教讀資邑有奸法者大署木牌於門雖  
權勢不避置義倉六所儲穀三萬石正德初大旱民猶賴之  
拜御史卒六世孫官字伯元工醫洞曉諸方書而保嬰尤稱

神妙孝友方巖時推長者崇禎間劄給冠帶榮之年八十卒

著有痘疹彙纂諸書官子景榮諸生景新景闕仍世其業

瞿憲字啟東號南成化十六年舉人授順天府判借給事中

李漢等清理武清七廠葦地繪圖進呈勒石著令尋遷左府  
經歷調後府出知廣南府俄轉沅江那氏與族人相讐殺往

撫諭之那氏陰行千金為賂憲發其奸獻議誅之隨乞休歸  
作七老會圖畫賦詩時稱盛事卒年八十九著有南山集

唐琛字廷璧少以孝友聞父疾奔走湯藥三年如一日成化  
二十三年以恩例授金山衛指揮使澹於榮利力謝致仕郭

志載唐瑾唐琛成化七年輸米三百  
斛餉廣西軍授正七品承事郎散官張黼字仕欽號養成化二十三年進士任南京刑部郎中法

律精而不苛有里嫗訟其子不孝者反覆開譬且呼嫗為其  
子理髮皆感泣悔服去有疑獄必焚香祝天至忘寢食以求

其情久之子鳴鳳以御史官南臺一日黼出值御史騶哄於道鳴鳳見黼下馬立他御史疾馳去黼乃歎曰吾老矣安得與兒子輩爭衡哉即日疏乞致仕上嘉其恬退進應天府丞賜歸年七十八卒初黼年五十未第或勸廢學答曰人雖休吾弗休古人有之請事斯語卒成其志又以晚達父母不得祿養刻親像自隨雖垂老言及必流涕人推篤行鳴鳳字世祥與從弟鳴鸞同年舉於鄉宏治九年成進士令永康以廉能召為南御史劾大僚張元楨等方議有所譴又上疏論劉瑾被逮廷杖削籍瑾誅御史周期雍以為言復故官仕終湖廣副使世宗立賜銀幣將大用之會卒令永康日武義有殺人獄檄使治夜夢緋衣人語之曰得王十一乃了厥明物色其人獄遂成卒祀永康名宦祠明史附見陸崑傳鳴鸞字世

和正德初會試寓京師時鄉人張文冕方黨瑾官錦衣氣欲

赫然譙鄉之與試者窮極奢侈以示得意鳴鸞獨不赴識者

高之仕止金華府推官前志遺事載張黼未第時夢神語曰

而鉛山費宏則二十一黼夢時費尙未

生也又幼時嘗夢神示以府丞後亦驗

楊松字國用為傭以養親父遭危疾刲股作羹以進之不使

父知母噎不能食則刲臂肉以脩藥又父常患痔人言吮之

當瘳松即吮之有司上其事復其家卒祀孝弟祠

沈友松孝子也與妻龔共事父母克盡愛敬始終無間宏治

中旌其門卒祀孝弟祠

張震字時震號海宏治五年舉人官南安司理又倅廣州俱

著廉惠上官稱其家瘠民肥真古廉吏云

張時泰字吉甫號西居唐行鎮少不知書年二十八隨父輸

賦見縣官威儀感而志學里中無師走入郡從學數載補諸生宏治間以歲貢選秀水訓導毀淫祠居喪盡禮捐產賑急不以貧為辭著有通鑑目錄廣義據府志

趙松字天挺陳村人宏治六年進士弱冠時童試不售歸就婚郡城經學院門值新進生進謁隨入觀諸生各行禮松獨挺立學使者見其氣度不凡令誦試作並啟其帽諦視之喜曰他日公卿也補送入府學是秋遂領鄉薦歷官太常寺少卿前志見遺事

沈恩字仁甫號西津宏治九年進士授刑部主事進員外郎忤劉瑾落職瑾敗復官歷官雲南按察使前使者謁黔國公每拜伏隅坐甚恭恩不為屈旋按其不法事問遣奴輩二十餘人黔國怒陰令市肆告變以危恩監司上其事廷議竟右恩

擢四川布政廉知蜀民苦邊糧料價前後奏減百餘萬兩時楊廷和柄國蒼頭驕橫恩輒置之法廷和遺恩大紅絨二且謝不謹恩召集僚屬焚於庭廷和子慎廷對第一賀者爭致重幣恩出俸三兩佐以兩蜀帕為餽廷和不為禮恩亟走人索歸卒以此坐免人爭冤之居鄉屏絕竿牘惟闕地方利弊則剴切指陳嘗徒行二十里外送其師朱曜之喪其沒也貧無以斂祀鄉賢都御史夏邦謨特為之祠

唐錦字士綱號龍江瑜從子宏治九年進士負才望與脩大明會典旋歸侍養銳志著述出為東明令脩大名府志時河患不息建言者奏開賈魯河詔下北直河南山東漕運四撫臣議錦謂賈魯河久為平陸延袤數百里費鉅萬無成功且易召亂撫臣以聞役遂寢為治一以安民為本正德二年以最

聞入為兵科給事中清理廣東鹽法查核積逋百餘萬引時  
 劉瑾殘橫錦不與通謫判深州瑾誅晉南工部脩孝陵裁積  
 費省舊額之半清洗蘆洲宿弊轉刑部郎慮囚湖湘多平反  
 有恤刑錄竟任無一滯獄擢江西按察使改江西提學副使  
 罷歸杜門養重銳情著述一時金石之文皆出其手卒年八  
 十宏治間邑令郭經始輯上海縣志屬錦撰次餘見藝文前  
 辨證云舊志唐錦傳為江西提學副使遇宸濠變集城中士  
 民激以義請捕得城守內官杜茂偽為千戶朱真輩四十二人  
 奪其鎖鑰馳請度撫王守仁入城建首功坐所部兵亂奪  
 職後事白許致仕考明史正德十四年六月宸濠執御史王  
 金等下獄參政王綸李敷僉事潘鵬師夔布政使梁宸按察  
 使楊璋副使唐錦皆從逆後濠敗綸等皆就擒據此則錦遇  
 濠變時或有無不可知故傳中節去此而仍存其說以俟考  
 姚墳字以和庵號節周浦人成化正德間建積慶永興二橋又  
 濬義井以濟人時周浦為荒僻地墳廣建廬舍招集商賈漸

成鎮市 據南志補

儲昱字麗中 號芋西 三林塘人父璇 南志作濬西字廷美號南  
 樂善仗義建筠溪義塾昱以正德十二年進士改庶吉士歷  
 禮科給事中監營乾清宮釐正侵冒訖工擬進太僕寺少卿  
 昱辭尋轉兵科舉劾鉅重著風采後改江西右僉議乞休歸  
 構園自樂卒年七十族孫才 號小布衣能詩著有雲溪草堂  
 集前志南志稱昱以大禮議起借同官朱鳴陽疏爭復言與  
 以舉者二百十六人無昱名則亦臺中公疏也唐錦志墓  
 曹閔字崇孝 號溪錦 曹家人宏治九年進士授沙縣知縣入  
 為南御史民號泣留鄰邑民亦爭留之累日不得去正德初  
 偕同官上疏論劉瑾下錦衣獄被杖幾死除名瑾敗起廣西  
 僉事閔曰一瑾去而眾瑾尚存遂引退年未五十也篤實恬

靜足跡不入城市養母十年母終枕塊得寒疾卒明史附見

陸崑傳

曹豹字文蔚號芸弱冠充邑踐更為有司所辱乃發憤力學

成宏治十二年進士授邳縣令立社學毀淫祠秩滿奏最將

以臺諫處之會卒邳人祀名宦著山居雲程二稿

葉鈇字廷用號東十九保人宏治十四年舉人授福州府同

知甫下車有稱汎商二十四人來謁者各饋海錯一罌發視

皆白金也鈇大駭封識而密察之皆海洋劇盜即詣臺使白

狀請便宜除賊乃伏甲延汎商飲就席縛之得通番劫殺諸

不法事悉殲之出罌金為公帑賊黨駭散聞海以安擢刑部

員外郎晉郎中忤權貴出知雲南臨安府有惠政旋移疾歸

唐懌字叔和顧望塘人母亡水漿不入口者累日父德華沒

亦如之弟懌幼好嬉游懌父像哭之慟懌感悟力學遂得

成名懌字季和號只宏治十五年進士官刑部郎中正德初

忤劉瑾下詔獄郡人張文冕瑾黨也使人邀重賂營救懌曰

懌若無罪聖明在上冤當自雪若有罪懌又安能散法以倖

生乎遂謫穀城令徐禎卿邊貢咸賦詩餞之談笑自若單車

至縣見餓殍於路輒悲歎不食以為長民者之責未幾卒於

官年三十七懌撫其孤以成立焉懌孫志大字子迪號左敦

樸沈毅志量宏遠嘉靖二十年進士以親老求南曹授南京

行人左司副會母病乞終養母鍾愛女弟志大擇名家子贅

焉割產資之躬親稼穡藝豆畜魚以給甘旨餽以非道弗受

也寇起海上奉母避兵吳興羣從弟妹子壻及族人無依者

悉從徙為籌畫生計旋以勞卒志大推誠任真能急人之難

二十五年郡大饑出米作粥為賑於路當空乏時同年某餽以十金適鄰褚逋稅求挾即持與之所親金苦役逃去志大代之役畢歸縣官不知也卒無以斂李昭祥為營其葬著有僑居賦詩歌若干卷高廟聖政記又志范志孝皆憚從孫也志范字子期號後以選貢宰通許值歲饑不待申請發倉以賑邑有豪民以人命陷人獄志范廉得其實置豪於法致政歸宦橐蕭然志孝字子順以歲貢任永福縣訓導性篤倫紀從祖權等十五棺葬瀕浦將圯於水志孝悉為改葬立碣焉張萱字德輝號頤宏治十五年進士除鄱陽令改嵯縣復改政和主計吏將斥之適王文成主考功素聞張令賢乃擢守茶陵州民悍黠多盜乃編族氏嚴株坐鄰邑永新民越境占田負稅三百餘石萱白其狀上官責永新吏督辦以紓民累

丁內艱服除改潞州會武宗西巡訛言欲刷婦女一州洶漉竄匿萱請以身當之民賴以安厯官湖廣參議致政歸卒年六十九祀鄉賢萱性簡重而外寬所至有風績茶陵人為著循良傳楚臬某畫像以志方何武焉子鳴謙字汝益正德十一年舉人司理温州擢順天通判謁御史用京兆故禮長揖不拜御史銜之誣劾廷杖已而得白復其官尋乞歸閣臣張治榜其廬曰完名勇退卒年七十四鳴謙子之象字月鹿一字元超晚號王屋山人幼穎異以太學生游南都與何良俊黃姬水諸人賦詩染翰才情蘊藉深為時賢所推入都會脩元史同郡相國知其才諷以青詞進中翰可得也之象不應浙江按察司知事同邑秦嘉楫為僉憲數以筆札役之之象曰士即一命當以職事自效何能為人捉刀耶遂投劾歸居



細林山閉門卻掃橫經藉書紛披几案間客至不能布席御

史邢侗入山訪之問所欲曰老人惟嗜邱壑耳出示所著賣

書買山詩侗厚贈之撤以建四賢祠所脩邑志品敘詳雅為

世所推卒年八十一明史附見何良俊傳之象兄之英天性

至孝六歲喪母臥棺旁不食遂成羸疾年二十一臨卒猶呼

母唐氏之象子雲門隆慶四年舉人之象孫齊顏萬歷七

年舉人前志之象龍華里人年四十八遺後亂第宅悉破焚

之象曾孫齊華邑生字彥伯號茂若幼慧能文明七悲憤

無所發一寓之吟咏凡殉難諸臣各賦短章弔之其子斌臣

崇禎六年武科後欲起兵從魯王為嘉定人介殺婦楊氏自

以嚴心學嘗負張勛字懷夢從之張氏多賢可知其概今案

齊顏作之象孫齊華作之象曾孫設矣考張氏譜齊顏雲門

子齊華雲輅子則皆之象孫也譜傳云公大節表表在拒撰

青詞不阿時宰同進稿者皆得顯秩而公獨淹抑下僚府

脩明史特舉此事而載筆焉誠識所重者矣又濟南邢子愿

贈買山錢乃建四賢祠以祀陸士衡士龍張季鷹顧希馮

越百年而諸九峰躋公位為五賢祠前志未及特附於此

張鷟字九苞號虹宏治十八年進士嘗歸外祖母柩於燕中

後以刑部主事職提獄捐俸作放飯亭以便食囚中貴爭霸

州民田鷟判還之尋丁父艱歸匍匐哀毀不數日卒年三十

九據雲問人物志補

郁侃字希止號直齋烏泥涇人宏治十五年進士觀政吏部授

御史監稅蘆溝奉敕兩廣逆瑾干政出判吉安遷開州奉母

喪還渡江驟風泣禱而霽終制遷潮州知府嚴明果信人心

貼服訓諸生毀淫祠勢豪禁戢移知黎平乞歸

顧聽字達夫號南田其先世仲瑛有別業在青龍之新江鄉至

聽遂移家其地宏治十七年舉人授建昌府丞以慈惠著尋

棄官歸自號孤松小隱足跡不入城市凡三十年集生徒教

授躬治園圃卒之日惟書數卷布袍竹杖而已據府志補

陸深字子淵號儼父平字以和號竹坡善筆札真行草書皆有

晉唐風致前志見深幼有器識宏治十四年舉應天鄉試第

一十八年以二甲第一名進士改庶吉士授編脩時劉瑾嫉

翰林官充已悉改外深得南京主事瑾誅復職正德十二年

為同考官得舒芬夏言等擢國子監司業丁父憂歸終制不

赴補廷臣交章薦之起祭酒充講筵故事講章先從內閣刪

竄深講畢而奏今日講章非臣原撰乞自今容講臣得盡其

愚上可之退後上疏極言講臣宜令自盡獻納以杜壅蔽時

世宗方向桂萼深講章萼所更也遂責其欺罔謫延平府同

知遷山西提學副使時晉府有優人子入學深聞之曰可使

學宮缺一人不可使一人污學校竟斥之陽曲生劉鏜父為

縣令所笞下獄死訴於御史趙鏜趙先入令言反抵生罪深

爭之不得即疏劾鏜鏜亦劾深下科道會勘得直旋補浙江

副使仍理學政歷四川左布政松茂諸元主調兵食有功

賜金幣徵拜光祿卿預脩玉牒嘉靖十六年改太常卿兼侍

讀學士扈巡承天命深掌行在翰林院印御筆刪侍讀二字

進詹事後致仕一日上問侍臣陸深張邦奇學問孰優侍臣

以陸優對上曰陸深為祭酒時桂萼欲害之今尚在否會卒

以聞賜祭葬贈禮部右侍郎諡文裕深少與徐禎卿善切磋

為文章有名於時工書倣李北海趙承旨品隲號小古今賞鑑書

畫博雅為詞林之冠明史有傳子楫字思豫山少穎敏讀

書過目不忘屬文善議論以父廕由廩生入太學著有蒹葭

堂稿古今說海年未四十卒無子深擇族孫郊為之子郊字

承道號三以廕官都察院都事時臺長以郊世族少年心易  
之及集議援據典故風發泉湧始肅然改禮後授石阡守苗  
獠錯居徭役厯雜倣吳下條編法著為令吏民德之郡處僻  
陋無書籍郊自家釐經史教之士始向學播酋思亂先事經  
畫翦其角距推苑馬寺少卿力辭歸家居二十餘載內行純  
備無愚智皆尊禮之與深並祀郡邑鄉賢郊子堦字舜封以  
博聞強識稱堦字舜陟書法妍秀出入蘇米之間董其昌器  
之有二陸詞翰之目堦子鑰字元美砥礪名行於書無所不  
窺輯宗譜四卷文裕遺稿十卷補刻儼山文集百餘篇著有  
百一詩集鑰弟鎧亦敦孝友工詩

陸炫字汝晦深從孫父標兄熿均有至行炫為宜春丞以風  
節聞攝萍鄉吏舊蝕庫金託言鼠耗炫為文告神殺鼠弊絕  
遷宛平擢大甯都司都事攝深澤正殺兄獄再攝蠡以能聲  
得上考丁母憂歸貧幾不能行旋坐事免從兄煉字伯純時  
有兄弟以運役訟者煉貸以金立解煉子璧字文甫官光祿  
寺典簿萬歷時以福藩供億不貲請歲為定額人謂通達國  
體遷興都留守參軍璧子晉錫字康叔崇禎六年副榜充恩  
貢特賜中書南都立補麻城令當鼎革之會士民顛躓多所  
矜全遷雄州推官以兵阻未任璧從子鐘字君聲官北城兵  
馬司指揮出為潼川同知奢酋叛鐘守門督餉有捍禦功不  
敘御史張錫命曾訟言之鐘弟鉞字君威母疾以割股聞  
陸明允深族孫字襟字父柝字豫門凡經史性理靡不淹貫  
為諸生訴役弊於臺使後為浦城丞有政聲兄明揚萬歷三  
十一年舉人靖江教諭祀名宦先是柝與明揚嘗以語詣邑

令教選選銜之會析與族人楠有隙楠因姻家曹介奪奴妻  
事誣明揚同謀殺其夫明揚被拷誣服明允顛辨臺司楠懼  
謀遷明揚於青浦獄欲瘐死之明允棄儒就圃以事父母居  
三日則負糗脯走百里視其兄於獄中者三年令屠隆夜行  
獄聞明揚讀書察其冤申狀直指覆讞之得釋明允孝友樂  
善卒祀鄉賢明允子起龍萬歷四十年舉人宰永甯有惠政  
祀名宦起龍子金宣 國初水師駐邑頗擾金宣訴之監司  
罷之又列總甲之弊於官明揚子起城字宗維 廩生務  
實學作西林闡釋者說羣害說求賢弭黨諸策相束均役水  
利三答問均切時弊可施行云  
陸維挺深族曾孫字際卿父元煜字仲罔有學行維挺夙慧  
知名於時不遇益肆力於古文與陳所蘊為文字交一時金

石家宗之從孫景道字師古博聞強識多撰述化道字贊可

並以詩文名於時諸傳據前志參陸氏家譜訂

張拙字汝吉能詩善篆隸隱居不仕陸文裕深引為社友嘗

和白樞詩時推擅場並以著其風操云詩云懶隨宮女候羊

誰句上林系雨露自甘僻壤飽煙霞幽情自許題紅葉淡影

常教占白沙卻笑阿嬌金屋貯最深恩寵不藏瑕一時作者

葉桐山為河間通判治餉宣府當更代日積羨餘三千金桐

山悉置不問主者遣一吏持至中途以成例請桐山曰不受

羨即吾例也命歸之晚居春申故里饋粥不繼一日梅雨中

童子張網失一大魚桐山為呀歎其妻聞之曰三千金卻之

一魚能值幾何桐山亦撫掌大笑志五茸

黃標字良玉藏書甚富繙閱無間寒暑叩之如指諸掌陸深

臨文有疑義必屬標考核與人談經濟鑿鑿可行輯古今說  
海一百四十二卷選陸文裕集一百卷所著有書學異同二  
十二卷縣志稿十卷俱毀於倭惟戊己庚辛稿存

張電字文光號賓山書宗李北海以布衣從陸深游京師夏相

國言見而器之令書御製集禮序世宗嘉賞遂由儒士入史

館供事時建皇史成命電題額詔賜金幣授鴻臚寺序班遷

中書舍人歷太僕太常卿司經局正字改通政擢工部右侍

郎進禮部左侍郎兼官如故朝廟典冊必使電書凡行幸游

晏未嘗不從賜予優渥至遣攝大禮諸學士有不得比者電

自布衣躋卿貳始終恭敬善藏故受知眷最深受勤慎忠誠

之賜卒於官贈工部尚書賜祭葬廕一子一孫案張電見前

無傳惟雲間人物志載此考皇史歲前  
明大內則列聖御筆實錄秘典之室

浦澤字時濟新場農家子少讀書終身不娶慕逸民之風與

張電同受書法於陸深能窮古人波磔之妙喜任俠常游吳

越燕趙間不干時貴晚歸儼墨僻地惟法帖百卷偃仰其中

張紘字文儀號約齋少有至性一月七喪哀毀營葬如禮正德

三年進士授桐鄉令擢守高唐州時流賊寇高唐紘增墉浚

濠簡丁壯親肄武事賊不敢窺移治嚴處二郡尋投劾自免

歸耕蘆子渡西與傭保相雜作未嘗乘軒行里中嘗攜童子

自田間還邏卒呵止之紘遜避詰且蒲伏陳謝慰遣之而已

嘉靖初用廷臣薦起知建昌府吏人來迎過於田畔問守所

居指示之潛從舍後冠帶出見其簡樸如此卒祀鄉賢

戚韶字龍淵居唐行鎮博雅好古與王良佐張冕並以詩名

意氣豪邁詩亦有燕趙氣與孫文簡承恩初未相識作二詩

送之北行承恩深器之韶沒為刻其詩從弟和字海隅任仙

居士簿亦能詩據府志補

徐壽少負意氣伏闕上書白父冤後益好善正德中倡議建

石橋於蒲匯塘又於塘北岸造石梁十以通泗涇人不病涉

嘉靖甲辰歲大祲減值糶米五百石以活饑民事聞於朝賜

以冠服據雲間人物志補

沈雲字子龍純和簡靜博洽經史正德八年領鄉薦由教職

擢國子監學正出為處州通判府志作汝旋丁父憂歸居喪

盡禮性淡華靡以恬雅稱據雲間人物志補前志遺事載雲

陽像一人背疽幾危詣沈求治途遇道人授以丸藥曰服之

可愈吾即沈香泉也愈後走謝見懸像曰此即授藥者杏泉

益敬奉焉迨雲應鄉試夢純陽語曰十年賣藥陰功厚一旦

名迎春舍冤入獄乞公釋之已而制終備任汝雷復夢如初

此至郡太守謂雲曰適有婦人迎春犯罪試一鞠以觀新政

朱豹字子文號青父曜以貢授清江提舉愿慤端毅時人比

之陳太邱有玉洲集豹正德十二年進士除奉化令曜戒之

曰我生平慕包孝肅為人若不持一硯歸乃我子也豹受誠

惟謹所至有冰蘖聲豪右奉法凡害禮傷教者皆禁絕之振

刷庠序捐俸建社學養士有成效調知餘姚革里甲短解之

弊至今遵其法兩邑皆祀名宦擢御史益以直道自任薦楊

一清伍文定及召對豹又密陳災異裨聖政十事言極剴切

奉敕清理江西軍務江西自宸濠變後災盜數起豹至發粟

活數萬人釋大辟囚三十餘人又嘗請兩京五品以上官各

舉郡守不稱者坐之語多忤時遷守福州聞父訃即日徒跣

行三十里送者遮道性孝友父存日未嘗乘車與昆季處衣

雲愕然遂白其枉計入夢之初歸尚未被誣也據此則雲初為處州丁憂後曾為汝雷兩說均不誣也

履相易而宗黨多待以舉火卒祀鄉賢著有福州集豹子察  
 卿字邦憲號醉石幼慧敏長薄經生言思砥行立言為不朽  
 業時福州故吏官雲間者郡司李陳懋邑令黃文煒咸器重  
 之察卿無所干欲請間為察卿壽終不敢言及黃陳故察卿  
 經紀其喪千里還葬趙文華視師海上謂邑令曰爾屬有朱  
 邦憲吾故人子今安在為吾好致之令具樓船邀察卿察卿  
 自操一小艇詣趙趙喜數問所需察卿謝曰儒生雞豚足供  
 老母承先人薄田數百畝不缺賦額此外正如鼯鼠飲河不  
 知天地之大趙笑曰足下高士人固不得而輕重前志遺事  
 文而豪於酒嘗於十月望夜饒客學士橋酒酣賦詩至深夜  
 遂中寒疾病中尚作破帳記甚奇麗易簣之先自云白鶴下  
 來乃吾去時果於庭中聞鶴唳三聲而逝後王翁州來信有  
 大蝶如椀集懸像上嗚畢乃去又載豹為木四世孫起家奉  
 化令正德己卯八觀與尉某同舟夜泊黃河口鄰有賈舟盜  
 百人圍之急尉子能挽十石弓試其技立斃二盜羣盜怒焚

豹舟豹度不免躍入水順流浮二十餘里若有枝之者遇荒  
 弱舟絳垂下遂挽絳得稍止舟人覺救之朱寒噤不能語焚  
 者三十餘人尉僅存燼餘一股而已察卿子家法家聲家法  
 尤禮士贍貧中使以曠事至家法款宴潛關說之乃奏罷信  
 陽曠擢工部員外郎歸卒家聲負雋才工詩家風子長世字  
 子久天啟二年進士除工部主事崇禎二年大兵薄都城  
 長世移臥公廨視事尚書張鳳翔知其勤題薦七日內兩轉  
 為正郎會守城需懸簾十萬一瑞夜詣曰予我十萬金簾可  
 立辦毋問所從來蓋內庫所蓄也鳳翔謀於長世拒弗與竭  
 三晝夜力而懸簾具瑞恨之莊烈帝出按軍壘瑞摘其一二  
 疏薄者中以危語帝震怒下鳳翔獄長世廷杖死長世素孝  
 友敦睦其死也士大夫痛惜之豹與子察卿均祀鄉賢

馬祥號鶴髫齡能文與陸深朱豹為邑名諸生多行陰騭事

鄰人鬻其田而死無以斂遽返其田有盜質其兄之居者焚

其券不索值嘗渡江恍惚中有人詔之曰由陸安遂陸行前

舟至黃天蕩果覆島夷寇海上倉卒出走數與賊遇不為害

人謂作善之報卒年八十一據雲間人物志補

張鳴岐字汝楨鳴謙從弟正德十四年舉人授博舒令濬大

河水災發粟以賑武宗南巡所至長吏多亡去博舒獨辦供

億上問姓名將擢用遽卒據雲間人物志補

王佐字良臣下沙人正德十四年舉人授南安令邑瀕海多

盜號稱難治佐至清保甲嚴鉤距發摘如神期年請歸養撫

按留之在任六載操履如一去之日部民送者數千人肖像

以祀子柱字曰中萬歷十六年歲饑輸粟六百石助賑孫光

祖有祖父風參府志南志補

吳爰字翼夫以詩名高企師事之顧清稱其山林日長無外

物以撓其志故其言蕭散閒靜無世俗綺靡之態著有雪窗

詩稿

趙綸字廷言號梅谷正德十五年進士為內江令有民利其從

子財手刃七人而誣為盜所殺綸片言折服蜀素無雪是歲

雪盈寸蝗不入境粟一莖五穗士民刻石稱三異終南京刑

部主事

楊學禮字伯立少與陸深齊名省試初場後聞父疾亟馳歸

闈中以後場不到被黜人咸惜之學禮不為意與曹宏濟滕

奎等結詩社日相唱和有春興詩云菖蒲枸杞滿庭栽書閣

飛去又飛來又有奇陸文裕秋興詩云風物蕭疎雨鬢絲感

懷常在夜深時心灰未冷金猊熱首級無功鐵馬悲杜宇敢



言游子怨芙蓉空帶美人姿山家後以事被逮太守見其名  
亦有陽春調不與多才宋玉知  
曰此作春與詩者襟懷如此肯干俗事耶釋不問其卒也自  
爲生誌納諸壙中

高企字進之號西樓唐行鎮人師事顧清論辯英偉博綜能文

邑令鄭洛書以經明行脩稱之聘脩邑志稱簡要年八十餘  
能登山絕頂卒祀青浦鄉賢祠

張武字德勇號城南飭躬力學授徒自給潘恭定恩其門下士

也以貢謁選少宰霍韜奇其文署名第三例授推官武雅不  
樂刑名請以師儒自任遂授弋陽王府教授上保祚箴鑒古

錄王嘉納之尋引歸贈遺一無所受家居惟以著述爲事子  
大魯友愛敦篤令永城有禦流賊功孫所敬字長輿爲諸生

有文譽人稱黃鶴先生少與陳所蘊齊名王世貞推重之邑

令顏洪範聘脩邑志纂輯居多所著並見藝文

潘恩字子仁號笠江父奎字用章郡掾也慈仁好拯物郡守御

下嚴胥吏無敢啟口者有土豪甚殘暴捶楚諸奴每至殞命  
逃者又賄役誣奴以盜前後所誣奴四十餘一日奎伏地爲

奴白冤狀并數豪不法事甚具守悟召諸奴覆訊乃悉解放  
捕豪下獄居一歲守夜夢諸神騎從鼓吹送一兒至吏舍醒

而念曰必奎家也吾聞有德者必有後月給米石調之後授  
項城尉攝商水令以惠政聞恩嘉靖二年進士知祁州調鈞

州前志辨證禹州按明史及笠江集皆作鈞州因避神宗諱作禹鈞徽王封國也宗戚豪悍

恩約束之州人相語曰毋相仇避潘侯毋甚口媿太守積儲  
爲列城最稔則振廩貸之州人爲建祠祀擢南京刑部員外

郎遷廣西僉事提督學政時靖江王驕勒其衛卒子弟充諸

生者必以賄不則銀鐺其父兄恩移文長史欲糾之諸生乃得就試權按察篆勾捕王所匿大猾王銜之上疏誣恩上遣法曹會勘事無實得免遷山東副使忤嚴嵩與御史葉恩並下獄謫廣東河源典史四遷復為江西副使進四川左參議調浙江參政按部海鹽倭倖至圍城數匝時城無見兵但鼓舞吏人晝夜登陴不少懈卒與參將湯克寬僉事姜廷頤力禦卻之進雲南按察使遷浙江府志作左布政以右副都御史巡撫河南徽恭王子載瑜多掠良家子充後宮占民田賊殺無辜恩與御史悉發其罪狀論廢徙伊王典模驕橫亦一切裁之河南久苦兩悍王以是恩名大著遷刑部侍郎再晉南京工部尚書時督餉都御史章渙嘗有疏經畧中原名觸上諱將坐以誹謗又雲南巡撫游居敬與黔國相觝沐陰中

之坐以激變恩上疏解救皆得比寬典由刑部尚書改左都御史陳臺綱吏弊民瘼凡二十條詔嘉納之尋致仕萬曆初賜存問年八十七卒賜祭葬贈太子少師府志作少保諡恭定明史有傳恩歸時其弟惠忠恕皆相繼引歸築四老堂歲時讌聚友愛彌篤惠温州通判忠字子藎簡訥樸素以嘉靖十三年舉人令仙游嘗謁郡守無所請守曰仙游固宜無俗吏也終刑部郎中恕光祿寺監事恩子允哲字伯明號衡齋嘉靖四十四年進士知新蔡縣汝水溢漂沒民居請穀賑卹流移盡復調義烏徵拜御史按上江出守黃州治務簡靜民親而畏之擢山東副使遭母喪去官服闋督學陝西嚴示程範會得父書心動亟解組歸中途訃聞號跣五千里居喪盡禮平日不事家人生產歲祲幾乏絕卒之日知與不知皆為流涕允

端字仲履號充庵嘉靖四十一年進士授刑部主事以父長法曹改調南工部權龍江關以寬大卹商稅入倍轉兵部以憲副分巡青登巨盜出沒廉知左右通賊者姓名貸其罪令誘致縛其魁餘黨解散島人入市武弁或襲殺為功將稱亂亟暴弁罪而檄諭之諸島咸感泣去晉參政理糧儲先是有司兌運後期入河水漲冰膠舟不能達允端勒諸軍以二月至淮五月入閘八月抵天津又於瓜州建閘以避江濤令白糧民船尾漕艘而進又以運軍過江領兌不以時定議給值免民運瓜儀之累淮上彭城各立祠尸祝海邑亦上其事於臺使得立祠見祠會淮撫王宗以河決議海運特薦允端允端躬歷險要申明賞罰定淮揚正糧二十萬有奇用四百三十六艘自春季十有八日從淮浮海以仲夏廿有九日抵津二

載不爽晷刻歲省金錢數十萬緡以裕國用遷四川右布政時九絲用兵不數月費餉三百萬允端曰東南倭禍用兵數年費不及二百萬今費至此耶督師聞銜之扼使移疾歸構樂壽堂以奉父卒與恩與允哲俱祀鄉賢前志遺事恭定知天而隆隱隱有文一曰哲一曰端未幾學士即以文名之案允哲傳前志頗畧莫秉清潘方伯祠堂碑記為較詳今據補允端子雲龍弱冠入成均值選中書故事皆以貴進惟雲龍以文得選會雲祭神宗將步禱南郊見其名曰朕方祈甘澍雲龍二字佳識也遂授武英殿中書舍人終工部員外郎第四子雲鳳官羅定州同知以允端致仕早母顧封不及格疏請進母為夫人如父階詔許之蓋異數云允哲孫煥寅國朝順治二年以薦任廣東海北道僉事允端孫桓天啟七年舉人允端曾孫堯彩國朝順治十二年進士與桓俱有

文名邑稱世家首推潘氏又恩從子允達字叔盈號登源惠子也少聰穎由成均入仕官光祿寺丞時堂庫耗損臺使將據以入奏允達請以贏羨補之事乃已出監汀州再刺慶陽乞歸屢舉鄉飲賓子元升字公旭官光祿寺署丞有父風顧鰲字克載端方鎮靜應貢入京師廷試第一授黃陂教諭訓諸生必先德行黃陂人化之乞老歸家常策杖訪友未嘗昇輜舟行墮水猶讓同溺者先登學者稱遜齋先生入祀黃陂名宦祠

胡芳字汝載事後母至孝母疾不解帶者逾月巾裙廁踰皆為洗滌家無儋石而好給宗人之不能舉火者一日肅衣冠行市中其族弟恥衣敝緼亟走避芳呼而語之曰人患行不完豈恥衣破耶解衣衣之以貢為武昌丞監司重其清操擢

昌化令過金牛驛題曰金牛豈是無金地只有夷齊不動心尋引歸與樵人牧豎放浪隴畝問長於詩歌聲調逼古議論多依名節著有昌化集藏於家

劉兆元字德資仲禮五世孫寬和坦易通兵法風角占候嘉靖四年舉人授懷慶司理嘗慮囚一女子繫獄已二十年兆元察其冤出之武陟富人以女字巨室後婿家貧規欲離絕兆元責令歸之而疑富家多婢或有詐乃令其鄰嫗與女識者驗之果偽兆元怒欲籍其家卒成婚其持法雖宗室貴人請乞不能奪也尋病歸至淮陰卒

諸傑字子興橫河人由儒士成嘉靖五年進士授刑部主事以建言謫典史起國子監學錄累官尚寶司少卿日閉戶搜討典墳性嗜左傳國語尤工詩

鞠蕙字秀芝號重樓所城人由歲貢授平涼府通判調平樂撫

治有功加僉事服俸提督富賀軍務總理平樂兵餉勦戮八

源安撫三洞蠻夷感化尋以憂歸值倭亂巡撫周如斗調苗

兵五千勦之有舊部役將以蕙為帥蕙以年老辭年九十卒

所著有叢談娛老集等稿據雲間人物志補並見南匯志

董子儀字羽吉號閩洲嘉靖十七年進士授刑曹改禮部儀制

司入內閣與史館校錄出判河東鹽運司未幾卒於官囊中

惟圖書數卷而已據府志補並見雲間人物志

董充大字汝化號五泉嘉靖十九年舉人沈幾鍊識好觀當世

之務凡刑獄錢穀兵防禮樂無不講究居家廉隅自重不為

紉袴之習子傳性號柏山以貢為光州倅次傳教號望海嘉靖三

十一年舉人據雲間人物志補

張鶚翼字習之號野須嘉靖二十年進士授兵部職方主事守

山海關改吏部稽勳司歷文選郎中擢太常少卿提督四夷

館力請改南通政司右通政賊師尚詔起淮蔡留都戒嚴分

督通濟門議者以城外竹木宜焚徙鶚翼言根本重地不宜

自擾示之弱尋遷都察院右僉都御史巡撫貴州便道過海

上時倭寇薄城下乃借籌以堅捍禦出粟以虞守者設築城

飭備團兵三議踰月寇退乃之官區畫撫夷四事上之庚申

考察吏部尚書呂本阿嚴嵩意罷歸府志云丙辰星變免歸葺敝廬日

邀故人觴詠更號晚林居士愍郡民兵困賦枯魚歎黃丞行

以諷切當事病亟猶口占答郡守論民瘼書引已疾為喻年

七十二卒所著見藝文祀忠義祠季子秉介字子石少警敏

性至孝父病劇中夜祈禱願以身代及歿投地僻踊既哀毀

邁疾猶設奠室中據牀畧作拜跪狀嚶嚶若兒啼氣不能續卒年二十九天啟初子泰階聞於朝建坊旌表祀孝弟祠泰階萬曆四十七年進士歷官溫處副使

張泮號致齋嘉靖二十三年貢生廷對第一性至孝事父母得其歡心撫姪猶子凡三黨之族不能舉火者皆周給之為人

沈毅慷慨急人如已徐文貞階嘉其行將以中書舍人人薦

固辭不就癸丑倭寇躡東南當事議築城捍禦泮散家財畀

役身親畚鍤手口盡瘁遂病不起崇禎間里人撫其行事上

學使倪元琪檄祀鄉賢子令德字憲卿隆慶元年舉人孫元

玘字采初號三少孤力學天啟二年進士除刑部主事奉使

餉甯夏所過饋遺皆不受遷員外郎轉郎中時大獄屢與力

求外補遂出知嚴州調建甯地衝劇郵傳疲困元玘申明裁

制條約得不擾又更蠲政及錢法民皆便之行屬縣例納供

給錢悉卻之入覲在途口占有人言五馬貴我愛兩驢輕句

未幾告歸居鄉產不踰中人而好義徐方伯汝翼歿貧不能

葬為經紀其事連舉十喪卒祀鄉賢元璫字伯潤天啟七年

舉人江陰教諭曾孫在簡元孫錫懌見後傳所著並見藝文

喬洪字伯舒號沂南力學攻文邑令孫渭下車校士讀洪卷嗟

賞不已遂成知已或請為之道地洪謝卻之渭聞而歎曰喬

生豈特文章士哉居家授徒前後至二百餘人積脩脯養親

及寡妹雖處貧乏而門內甚雍穆云

李昭祥字元韜世居竹岡性至孝八歲喪母哀毀如成人嗣

父塾為沙縣簿坐誣昭祥走數千里白其事嘉靖二十六年

成進士為諸生時有司以白金代賓興宴昭祥以非禮卻之

後授蘭谿令俗生女不舉因令民間育三女者復其身薄俗  
遂改歷南京工部主事轉郎中會本生父喪隨引疾乞休卒  
祀鄉賢子容春含春皆以孝友名容春子繼元字鏡始萬歷  
四十三年舉人授臨湘令陞刑部郎請終養歸含春七子繼  
沆繼涉最知名曾孫延渠字方思入國朝中順治九年進  
士授南安府推官前志遺事昭祥寄其兄嘉祥詩云我聞東  
吳有田尚不堪况乃輸空租廬舍鷺已盡漸言及妻孥邇來  
催科政不問田有無嗟嗟浦旁民手足無完膚四方互轉徙  
聊作游釜魚我祖恒軒翁曾為叩閭呼斛米折錢糧民困或  
少蘇按恒軒翁名觀為昭祥祖他事不見紀載惟此詩足徵  
為補錄之從弟德祥字元益與昭祥齊名庠序間有雙鳳之目以  
疾不事進取篤於倫紀年將六十丁父艱哭泣如嬰兒比葬  
伏兆域幾不能起族兄繩曾被誣逮獄奮袂直其事弟徵祥  
為倭寇所掠泣不欲生得釋乃已子伯春仲春叔春伯春字

友卿號約齋隆慶五年進士授刑部主事為大司寇嚴公清所  
器事關勳戚豪右疑曖難決者悉屬之引斷明允同曹推服  
擢郎中出守濟南案牘紛繁目覽手披耳授口答捷於影響  
歲饑奸民王登煽眾擒置之法發粟賑貸民賴以安轉副浙  
臬擢湖廣參政嚴戢故郢守陵中官之橫漢旁漲沙數頃民  
已就墾中官欲奪以益莊田伯春偕至其地持杯酒酌江曰  
漢水有靈其為我洗刷此沙毋滋厲階三日沙果退中官懾  
服仲春字敬卿當昆季宦游時仲春家居奉親極孝以母喪  
哀毀卒郡守表其廬曰一門孝友叔春字順卿萬歷十七年  
進士歷官歸德知府有惠政終按察副使伯春子繼厚萬歷  
四十六年舉人仲春孫之楠天啟元年舉人之杜入國朝  
以明經貢入太學又從弟安祥字元定萬歷七年舉人嘉靖

聞父堂為倭寇所掠安祥徒跣奔救直抵賊巢泣涕願以身代寇哀而兩釋之學使耿定向旌其門曰至孝後仕至滄州知州貢舉表作子南春萬曆十九年舉人孫繼佑萬曆四十年舉人李氏故世家最後待問遂以忠節著

石應朝字思吾嘉靖二十八年舉人任餘杭令樹蔬而食家織而衣買水而飲邑人為之歌曰米載雲間白泉沽茗水清

應朝聞之曰石使君名與茗水並傳生平之願足矣據府志補

余采字元亮號竹由華亭徙邑剛毅廉介人望之若嚴師權

貴莫屈其志素敦友誼嘗與一生同舟生卒采出資含殮還其喪晚年以明經教授江右閩粵間造就多知名士南匯志稱采父

環由柳上遷十九保大見涇子道南道東復方姓入學重刻志云正學有幼子德宗前志云按舊志稱采本方正學八世孫府江華亭俞允所允正學門人也匿之令冒俞姓後欲贅為婿

又改余子姓繁衍萬歷已酉督學楊廷筠令復本姓建正學書院此相傳舊說也及攷明史正學傳有異詞焉又朱國棟

陳一鳴本朱姓字起靜性剛介有以張某口語嫁一鳴於令

所或勸其援張自解一鳴卒不自白少從父宦游以詩受知於嚴嵩後應貢入京顧定芳言之嵩嵩曰非曩時唱和人耶

其驚人句我猶識之當令來見定考以告一鳴竟不往會有同鄉居銓曹故欲扼所親以示公者遂不謁選而歸養母終

其身卒祀孝義祠前志遺事載一鳴秋試下第明年會試期研四海文章歸合式一人宵旰重求賢才高不怕無今日賜

斷翻令憶去年風景撩人禁不得呼童拂拭舊龍泉

姚昭字如晦世業儒家貧讀父遺書輒嗚咽流涕事母孝開

門授徒師道嚴重有巡撫某行縣詢諸生以民窮財盡將焉



處之昭進曰誠如明公言然聞明公進羨餘二千金以助大  
工民窮財盡安所得羨餘也撫愕然曰慙哉此生晚不得志  
於場屋嘗賦老將詩以自況聞者悲之及卒門人私諡曰孝  
廉著有留耕堂稿 國朝道光十八年 旌祀孝弟祠按舊志昭

列明陳一鳴後雲間孝弟  
錄列在朱之淇後似誤

董傳策字原漢號幼海 辨證云舊志作綸曾孫通志父體  
作括孫俱誤攷家譜乃綸元孫傳曾孫

仁有學行傳策九歲能屬文嘉靖二十九年進士授刑部主  
事偕同官張翀給事中吳時來上疏劾時相嚴嵩墮邊防鬻  
官爵蠹國用黨罪人擾驛遞壞人才凡六事請斥之以謝天  
下世宗震怒詔下獄究主使榜掠慘酷絕而復甦者再會地  
震得釋謫戍南甯在戍時從學者甚眾土人結屋以居之地  
無水眾為鑿井築亭其上人呼井為董公井亭為董公亭云

穆宗立遵遺詔召復故官歷太僕卿遷大理卿擢南京禮工  
二部侍郎被劾歸傳策性清介御下過嚴一夕闔戶寢為賊  
獲輩所戕卒所著見藝文明史有傳弟晉隆慶元年舉人晉  
孫象恒字有仲萬曆四十七年進士除守開州白蓮教倡亂  
犯州境象恒有守城功遷兵部郎中出為福建右參政分守  
漳南海寇鄭芝龍出沒鈔掠撫按檄象恒分道勦擊克之復  
與游擊歐陽瑞撲滅山寇於冷羊頭巖閩海肅清遂乞終養  
歸服除起補福建屯鹽右參政擢右僉都御史巡撫浙江造  
漕艘五百有奇捐俸首倡屬吏樂輸不費國帑又免封民船  
之累督漕史可法題敘下詔褒美歲浚饑多盜奏請蠲賑賊  
遂解散故所在多殘破兩浙獨完崇禎末年流寇內逼詔勤  
王象恒首先發援兵四千人入衛忽中蜚語被逮民罷市詣

闕訟冤者萬餘人得免歸值國變坐臥一小樓不與人事年七十卒傳策族弟羽宸字邃初萬曆四十一年進士授餘姚令報最擢雲南道御史巡視山東平白蓮教賊歷官吏部侍郎遷南京尚寶司卿忤時相被劾歸卒年七十八所著見藝文

顧文陞字履階嘉靖三十一年舉人授湖南醴陵令廉介有聲以不善事上官改甯國府學教授臨行行李蕭然士民追送至二百里外瞻望不捨旋致仕歸杜門卻掃不入城邑家益貧邑令鄧鏞時餽遺之年逾八旬忽辟穀坐化據府志補龔情字善甫號方川居吳會嘉靖三十二年進士由行人擢禮科給事中時警報旁午情條陳飭邊防預儲蓄均兵餉蠲額徵四事復封駁移取太倉銀兩詔書詞旨剴切以會勘伊庶

人不法事忤旨謫德清丞遷南昌司理歷南工部郎中隨罷歸情少聘韓氏女病廢或勸改圖不聽女亡始議婚性抗直有古人風著撮殘稿從弟愷字次元號全山嘉靖二十六年進士授慈谿令入為御史會仇鸞倡馬市首疏論之杖闕下得不死條上邊事六曰嚴紀律別功罪撫遠人實軍伍選將募兵尋出視兩淮鹽政又按西粵屬吏不職者輒望風解綬去曾列靖江王驕恣狀復疏止大征粵寇上是其議當事者以此忌之遷山東參議屬大蝗愷下令捕得蝗者粟倍之於是蝗不為害遷湖廣副使引疾歸愷性剛方面折人過為時所憚及卒知府臧繼芳歎曰我輩不得復聞過矣明史附見楊繼盛傳愷孫孚吉字虞伯號梅嶼性至孝母病刲臂肉以進中萬曆三十五年武進士授福建南日山水寨把總以都指揮

體行事當神宗時承平日久皆以虛兵冒餉為得計孚吉之  
 任汰老弱實軍伍為時所忌欲去之聞撫陳子貞壯其言貌  
 與語大悅薦擢屯局軍政都司僉書簡練士卒數出海獲盜  
 調署孟河再總川沙適浙兵五千過吳江參將賈祥縱兵大  
 掠巡撫王某曰非龔將軍一行不可孚吉駕小舟入其營激  
 以忠義犒以牛羊遂束兵過江不復掠已乞病歸貧甚以星  
 數學行世著有白雲笈詩古文集前志遺事載愷丁母喪歸  
 充承差儒士令納賞愷責當事立止之凡郡縣諸臺使有過  
 不少假嘗面斥巡按周如斗何事權貴周為面赤學使耿定  
 向試畢過之愷曰師相家孫領案何等公明耿  
 亦類首一日過所善莫如忠家訣別是夕竟卒

屠寬字德宏號兩嘉靖三十二年進士由祠部郎歷官浙江  
 僉事丁憂服闋補湖廣忤直指被劾有大節不虧一廉可取  
 之論尋調雲南時撫臣某誣黔國沐公大逆委寬推鞫無狀

止罪其奴復誣奏鐵索箐民嘯聚得旨勦捕寬全活良民數  
 萬撫益恚坐是罷歸有訟其事者召用不起年八十一卒

華秉中字正夫自無錫徙邑登嘉靖三十二年進士除東昌  
 司理多異政擢刑部郎歷給事中疏劾嚴嵩不報引疾歸時  
 寇亂有監軍欲開鎮雲間賴秉中言遂止嵩敗起光祿卿尋  
 卒子允傳雲南布政司經歷曾孫鶴鳴字迴聞尤邃毛詩鶴  
 鳴孫謙見後傳

林濟字敷澤成化十年舉人謁選授沔陽縣知縣修職業謹  
 操守威惠大行廢墜畢舉改裕州考滿卒於京二州皆有去  
 思據府志補按濟為景陽曾  
 祖景陽入華亭故不復列

孫繼祿字汝濂嘉靖元年舉人知開化縣恭慎有守豪強知  
 畏惜民愛土咸得其心據府  
 志補

金諫字朝信閔行鎮人性至孝割股療母李昭祥翁燦屠寬  
 相推重嘉靖甲辰旌祀孝弟祠前志獨行類傳  
 顧綵字南雲嘉靖間大旱捐資濬七竈港溉田萬頃官旌其  
 門萬厯間歲大饑設厰四門作粥食之兩次海溢駕筏拯救  
 聚遺骸埋之其言之祖也據府志補

同治上海縣志卷十九

人物二

明

唐繼祿

張敏中

盛濟時

趙灼

杜時登

印冲

張仲謙

艾可久

孟羽治

喬鏜

潘元孝

秦嘉楫

杜啟勳

蔡紳

顧名世

王節

陳時熙

父晟 子木 孫拱 宿 拱壁 曾孫燁

父敕 從子國士

獻璠 孫開美 時騰子 翹子士全 士基 族人時

子世祉

弟繡 子懋孝 繡 子懋昭 子斗英

子斗英

蔣時英

徐汝翼

父鏞

王圻

父燿

昌明

孫昌會

昌

喬懋敬

祖積

父訓

喬一琦

子桓

萬年

孫世忠

盛

顧汝經

弟汝綸

楊鈿

子香

尚哀

猶子泰

孫曾孫中孚

閔電

李府

子香

尚哀

曾孫中孚

孫

盛坤

顧邦正

黃椿

張涓

張瑞

姚章

張允孝

陸時伊

韓綸

徐一愚

張同文

方鏞

子岑

曹用中

喬時敏

弟時萬

時英

倪淑

子邦彥

孫甫英

倪學

顧元啟

子洪謨

盛鈇

蔡倫

高舉

王文炳

侯堯封

唐本堯

朱應麒

諸從禮

張恆

顧允貞

從弟允升

子章

朱一德

從子養豫

王潭

孫乾昌

偕春

俞顯卿

沈梅

陳理

子所蘊

施大經

子沛

溥

弟大

董其昌

朱正色

諫

朱正中

父朝宰

施一化

子于蕃

黃體仁

父一岳

朱永泰

周應文

姚永濟 祖一祥

蔡紹襄 父可大

顧國縉 父可大

張肇林 子麟徵

杜喬林 子麟徵

朱錦 錢誥

曹誠 子國禎 國裕

喬在脩 祖迨 父士駿

黃對

戴晚芬

方忠成

周規

張所望 孫爾默

徐光啟

楊萬里

葉有聲 父蕃春

黃調元 父崇道

奚欽 從祖煥然 父可教

李逢申

朱思聰

趙文元

馮遷 沈翁

張梓人

陳守真

孫士美 父誦 子芝秀

郭良俊

王國材

朱應楨

陳正中

張錫眉 褚世遂

褚永祚

翁英 子穀

瞿騫

陳正容 祚子世鼎

沈泓

王域 子錡

奚汝斗 子安世 族弟萬京

何萬化

張元始

何剛

周明興

徐天麟

朱永佑

陳于階 始祖端 弟承祚 承

侯承祖 子世祿

李待問

黃日章

王景曦 弟某

蔣若來

嚴兆齊

陳曼

包爾庚

陳濬

朱錫麟 朱天爵

陳回 蔡九韶

馬元調

張在宥 王匡 王稽古 徐百瑜

瞿桂官

王檄

郭開泰 子耀邦

趙夢嘉 趙維聘等

張方 子耀邦

何為霖 張鳳翥

王光承 弟烈

吳騏

沈求 子白

莫秉清

唐壽 弟醇 唐鈺等

蘇兆人

羅萬策

趙從龍

傅凝之

王謙陳鷺 張克林子士麟

明

唐繼祿字子廉幼孤借兄力耕事母以孝聞登嘉靖三十二年進士除遂安令有惠政豫募兵儲粟若寇至者未幾倭起所至殘破遂安獨全有殺人獄既具稱冤驗無傷惟胸前道斂如石繼祿曰若飲之適乎囚服獄定召拜御史歲大旱疏修省十事又奏行里甲法詔頒示諸郡縣行之出按湖廣墨吏望風解印綬會興山盜據礦行劫聚眾三千餘人縣令利盜礦匿不以聞郡守徐學謨上狀繼祿即檄縛令囚之而陰遣沙市巡檢趙應奎詣賊寨諭以朝廷威德令自解散人給一符免死還籍月餘賊盡散擢大理丞晉右少卿遷操江僉都御史會振武營兵譁令督江防駐孝陵隆慶二年入為副

都御史總理九邊屯鹽俄移疾歸遭母喪哀毀疾劇力治葬事喪未終卒年五十一祀鄉賢

孟羽治性至孝母迮為倭所擄羽治乞以身代不從捐金贖始得偕歸母遂驚悸疾劇羽治割股以療鄉人稱之時又有陳時熙者倭至欲刃其父時熙哀請身代得釋後父病到右股調羹以進父遂愈羽治據府志補

張敏中字時用原名棟齊棟其先汴人八世祖鐵一卜居龍

華詳家墓子孫因家焉嘉靖三十二年由明經教授仁和會倭寇薄城當路檄屬員之才者分守各城敏中得艮山西北城卒生徒督士卒捍禦城賴以完遷周王府教授年八十卒於家

喬鏜字子聲號春山川沙人監生父晟字景昭嘗捐田二頃助

義役建義學設義冢三與鄉飲賓鏜性質直慷慨有志略嘉靖三十二年倭擾內地獨築護海塘九十里兩月而成又城川沙堡塞窪口以防賊泊奉巡按周如斗檄募土兵二千人親加訓練多所斬獲上其功賜五品服驟中蜚語頗領而歿鄉人建仰德祠祀之祠在川沙城並祀邑忠義祠子木字伯梁號元洲幼聰慧年十三為諸生即隨鏜禦倭多奇計成隆慶二年進士守吉安州州當貢粟上言以口腹累民請罷貢遷潞安佐擢河南僉事陞井陘兵備道值茨溝營卒盜礦不可蹤跡乃選士著八百人充伍漸汰舊卒盜遂息歲稔以便宜發粟全活甚眾歷福建參政歸居鄉多善舉朝鮮貢使遭風汎兵誤為寇木知之為導之歸其君臣上表謝詔優嘉焉卒祀鄉賢所著見藝文孫拱宸字元恪號敏齋郡諸生應詔試中書名



重京華拱宿以貢授光祿寺署正擢兩浙運副署運使平鹽

筭修嗟志刊為定式拱璧字穀侯號訥庵萬曆三十五年進士

除海鹽令釐土田詭匿儲倉折耗諸弊歷武選司員外郎左

遷順天府教授尋擢南京兵部郎中出為湖廣僉事轉參議

未任卒祀鄉賢拱宸子煒字赤餘天啟元年副貢入史局歷

掌制誥進起居注纂脩玉牒官至禮部郎中卒煒子舒亦以

文翰世其家

盛濟時號子亭太學生一團人島夷至奉檄募兵二百人保護

新場赴敵善戰號盛家兵敘功應官百戶辭後以資選北城

兵馬司副指揮轉青州府通判據南志補濟時作際時並見府志

潘元孝字見陽太學生二團人島夷至奉檄募兵三百人據

連筆華橋徼賊黨出劫者擊殺之頗著功未敘錄卒張宗伯

鼎作三太學傳喬鏜及盛濟時潘元孝也據南志補並見府志前志盛潘並附

喬鏜傳元孝但稱元趙灼字時章號方齋嘉靖三十五年進士授行人考選刑科給

事中疏陳三吳水災乞蠲賦言甚詳懇轉戶科時江南民賦

歲輸廩於諸曹人眾地分奸蠹百出灼疏請立祿米倉以司

徒屬一人主之歲省民財萬計遷吏科都給事中考察平恕

尋遷太僕少卿歷太常少卿晉右通政卒年四十五祀鄉賢

兄廷炯初名煥字堯章嘉靖三十四年舉人授河南真陽令

俗喜訟廷炯理其大不法者餘不問邑賦瑣屑乃倣三吳一

條鞭法行之歲旱禱即應鄰郡邑歎下令勿閉糴滿三考真

陽經百年無之矣遷錦衣衛經歷保全建言被杖諸臣甚眾

擢南虞衡主事轉屯田員外郎出守潯州午山猺蠻頗橫乃

以大軍壓其境而遣口辨者諭以朝廷威德咸聽約束岑氏  
中絕爭繼廷炯言武靖遠方不宜無守岑氏非有大功德不  
宜復立從其言尋致政歸年七十卒廷炯孫東曦字馭初立  
為灼後萬曆四十七年進士除閩縣令賦籍掌於吏而納者  
無右券東曦始給印紙奸詭遂絕歷官刑科給事中請興屯  
塞下以充軍用不報適宣塞有私和事王坤時監宣餉且請  
代東曦上言宣塞失事坤方會飲城樓商推和議願正坤罪  
撤各使還京旨切責謫福建布政使司都事稍遷至禮部郎  
中歸福王時以給事中召會卒明史傳東曦子子瞻見後傳  
秦嘉楫字少說號鳳樓裕伯族孫父敕字曉江為諸生慕義若  
不及海濱多斥鹵稅蕩時議改為糧田將大困民敕走齋院  
訴其事乃免嘉楫登嘉靖三十八年進士授行人使周藩王

倬其風度厚贖之悉謝卻乃衣以一狐裘曰天氣方寒幸使  
者為遠道計嘉楫陽諾而受之至杞縣託同年某歸之曰某  
賤臣也何敢辱王服拜侍御出為浙江僉事左遷光州判官  
府志進汝甯推官陞南京工部主事致仕家居校輯羣書手自抄錄  
所著見藝文從子國士字友善萬曆四年舉人嘉楫無子欲  
以為嗣不應食貧如故嘉楫卒族人爭嗣者議割田宅與之  
拒不納任瀏陽令左遷河南按察使司檢校前志遺事載敕適嘉楫捷會聞報至沈太僕有瑞桃記  
杜時登字庸之號虛石皮街人隰裔孫嘉靖三十一年舉人  
知遂安縣有懷金以嘗者立卻之條上興革十事監司頒行  
之調知浪穹投劾遽歸年八十三卒子獻璋獻璠獻璋字稚  
珪號城幼隨母至外家值驟寒母假女子衣衣之辭曰男女  
上每縣志 卷十九 七

有別甯勿衣也弱冠補庠生受知於學使耿定向貢入成均  
閩中林爌爲祭酒一見遇以國士己卯報罷循例就光祿署  
丞獻璠字公魯萬曆十三年舉人官漳州同知以廉能稱擢  
刑部員外郎獻璋子開美字袁度生有異才下筆數千言立  
就尤長尺牘神宗時授中書舍人以母老乞歸所著見藝文  
弟時騰字冲之嘉靖三十七年舉人爲石埭教諭遷黃縣知  
縣出冤獄二人尋罷歸黃人攀號送之時騰留別詩有稅事  
須先足苗田宜早耕身家忍處飽衣食儉中盈之句年八十  
餘無疾而終子宗翹宗彝宗翹字振卿父宦游後身任家政  
嘗帶經行田課耕作宗彝嗣弟時官後萬曆十三年舉人官  
彝陵知州亦著惠政宗翹子士全萬曆二十三年進士知大  
冶海鹽二縣報最擢刑科給事中陳天變言三吳水災諸疏

宗翹見之曰吾子居諫官吾嘗戒其務勤事無喜事務直言  
無詭言今庶不負吾訓乎冊封益藩餽遺無所受歷太僕寺  
少卿轉南太常寺卿刑部右侍郎晉南工部尙書予告歸士  
基字彥恭萬曆二十二年舉人官南兵部郎中會士全歸士  
基亦相隨解組時人比之二疏士基能書嘗手錄二十一史  
時有幅字季成號友松著南浦散民雜詠讚字思萊號晚峯著  
有晚峯堂集皆時登從父又有詩字子言任中城兵馬司指  
揮秦字子瀛鄉飲賓時中字宜之年九十八舉鄉飲賓授七  
品散官宗範字公園有燕山草金陵篇宗玠字真吾有西園  
唱和集獻琰號順圃官臨川知縣士領字禹門舉鄉飲賓授七  
品散官士雅字幼白有茗柯諸什陔華堂詩皆時登族以能  
詩稱於時又族人時達字兼之嘉靖末由吏員官紹興府知

事遷遂昌簿廉介不苟取初邑多積逋時達攝篆以漸追徵民樂輸納期月間聲稱翕然俸餘悉以新衙舍及去任囊無一錢士民涕泣留送著有紀游草

杜啟勳字公懋亦時登族嘗假金於人發篋誤多數十金亟返諸其人又拾遺金於道艤舟待亡金者歸之而不告姓名世稱長者卒年八十一子世祉字幼存諸生工詩啟勳嘗患

病劇世祉願天割股以進病尋愈類傳參南志移印冲字德清二十二保人疏財仗義同里有庶出者二人為

嫡所欺冲翼出之授之讀後其長者成進士為顯官子榮字明卿敏達有機智嘉靖間倭寇犯境幕府羅致之屢建奇功

僉事董邦政獎之邑經兵燹後田賦混淆榮為區畫稅得其平經界亦定官民便之

蔡紳字朝卿以貢教授南昌貧士以束脩餽者必卻之有名家子以家難陷大辟紳力陳當道得釋陞王府教授以莊見

憚歿祀鄉賢弟繡字文卿亦以貢為臨淄訓導學問該博時有書廚之目紳子懋孝字幼公工詩文萬曆初新建謝某督

學南畿為紳門下士或語之試笑不應與莫中江龔字涪林景陽為忘年交繡子懋昭字允德嘉靖十九年舉人署嘉善

教諭時諸生註史議者五十餘人亟白其冤與修浙江通志尋擢新河令遷趙州牧州有大橋稅歲八千金例供官懋昭

分償積逋太守陳燧齟齬之拂衣歸御史顏思賢過趙趙父老泣訴治狀及去官之故顏薦之朝即家起桂陽州旋同知

懷慶遭父喪服除補肇慶海酋餘黨許恩築城陽江沙島東連惠州林道乾為犄角懋昭以計攜貳之示以恩信恩降即

上海縣志 卷十九 九

入坐恩幄解散部曲凡六千餘人急墮其城率恩入謁制府  
婉請赦之道乾既失援亦詣軍門降遷知思州城故無井民  
汲二三十里外懋昭令四門各穿井一民稱蔡公井致仕歸  
思民肖像祀之歷官幾三十年貧至不能舉火卒年九十祀  
郡學鄉賢祠前志辨證云舊志科貢表紳魯山王府教授學  
之封未知何据今節去魯山二  
字按紳祀鄉賢云名宦誤

張仲謙字士益號受華亭莊懿公鑿五世孫以縣籍成嘉靖  
三十八年進士時徐階居政府仲謙未嘗私謁授兵部主事  
歷員外郎中居武庫七年以親老願補外遂出為湖廣參議  
階罷相高拱修故郟根株其親黨仲謙適入覲見拱拱迎問  
曰君與徐公戚乎仲謙曰徐公夫人我姑也拱改容謝曰真  
古君子徐公在事久何不聞公名仲謙為治清靜寬易多所

平反囚某年十二以奴傷人抵死仲謙坐奴罪竟出之茶陵  
牧黃成樂能其官被誣為言之得免遷雲南參政當黔國兄  
弟構隙幾弄兵為難仲謙移檄留都分別其事解之俄聞父  
喪歸堅臥不出隱居三十餘年年八十六卒前志云妻志仲  
謙居郡城西以

顧名世字應夫嘉靖三十八年進士官尚寶司丞長於古文  
時金石文多出其手子斗英字仲韓號振海人物志為  
伯明府龍泉後少負  
雋才為諸生有聲屢擯於鄉舉益磊落不羈窮服饑聲色園  
林竹木之美選勝宴游座客常滿能鑒別古器圖書詩有盛  
唐風格善弈工書畫與華亭莫廷韓風流文采相頡頏人稱  
雲間二韓年三十七卒著作甚富不盡傳孫昉之字彥初亦  
工書能詩壽潛字旅仙性介不求聞達董其昌嘗賞其畫法

故尺幅片縑人爭寶之著有烟波叟詩草

艾可久字德徵號恒父元美字充之號小峯精醫日出診徒步

數十里無倦色舉鄉飲大賓可久嘉靖四十一年進士授太

常博士擢南京御史巡視上江劾勳貴驕縱及附高拱者四

人遷知衡州府屬縣議增商稅執不可以緩催科興學校為

務擢山東副使累遷江西參政革田稅飛灑出羨金振饑再

遷按察轉山西布政入為南京太常卿晉通政使疾作請告

不候旨歸省臣劾之上置不問尋卒年六十九可久在南臺

民肖像祀惠德祠衡州臨清俱有生祠及卒子大有請於朝

諭賜祭葬祀鄉賢孫廷機由監生授中書舍人輕財任俠鄉

黨賢之請於朝子祭葬營墓域如禮今據墓碑改正

王節素世業農父病危不告於家人割左股肉作羹進之病

旋愈嘉靖四十年楊公豫扁其廬曰白華遺響時又有蔣時

英者亦割股愈親疾

徐汝翼字君羽父鏞通詩春秋嘉靖四十年舉人事繼母以

孝聞汝翼嘉靖四十四年進士初授刑部主事分察粵東至

廣西布政使瑤獠倡亂汝翼籌餉調兵相機勦撫底定乞歸

初在郎署其座主高拱以輔臣攝吏部事汝翼終歲無私謁

在粵東屬令潛以百金壽卻之及轄粵西主鹽法司理以餘

利七百金進汝翼面發赤曰是可汚人耶歸之庫以助餉後

遂為例

王圻字元翰號洪父燿號怡性孝友為醫學正歲大疫捐金

調劑以活人割地為義冢民苦漕役訴上臺罷之年至八十

卒圻嘉靖四十四年進士授清江令調劇萬安擢御史峭直

敢言穆宗時糾邊帥之黨私止廠衛之密訪又疏中官孟冲  
鞏鉏不法忤時相出為福建僉事巨盜張文欽陳文岱等聚  
眾剽掠圻設方略殲之餘黨解散而忌者復構他事謫邛州  
判官兩知進賢縣遷開州尋備兵武昌改督學典福建山東  
鄉試其所獎拔後多為名臣遷陝西參議致仕初圻以奏議  
為趙貞吉所推張居正與貞吉交惡諷圻攻之不應高拱其  
座師也時方修隙徐階又疑私其鄉人不助已恚甚遂摭拾  
之圻既歸築室吳松之濱種梅千樹日梅花源以著書為  
事年踰耄耋猶篝燈帳中丙夜不輟卒年八十五祀鄉賢明  
史有傳前志遺事載王圻守開州多惠政去後士民立生祠  
圻像越三十年後修祠見像腰間微有損處即為  
整飭完好而圻家居適患腰痛旋愈又圻督學林市京山縣自  
日邑有童朱一龍者雅負文名府縣試必前列道試輒不利  
圻且視此次如何既而案發則又落圻呼朱命呈落卷乃  
取錄第三人也因命入學究書吏割卷之弊置之法後朱登

進士司理孫昌會字嘉侯萬歷四十三年舉人屢躋春闈遂絕  
意進取杜門讀書方岳貢聘修郡志賦役鹽權諸大條皆出  
其手晚年築室松原極賓客宴游之樂卒年五十八昌紀字  
永侯幼穎敏讀書數行俱下輯十七史四十餘年足跡不履  
闔閭時稱王氏二龍年八十六卒所著見藝文昌明字良仲  
諸生時嘉定有舊家子為仇所構欲置之死率其妻詣昌明  
願以妻易三十金昌明畀之金而卻其妻子世奇 國朝順  
治十七年副貢生昌會子灝以文名康熙二十二年預修邑  
乘

喬懋敬字允德號純祖積繩檢自律稱長者官安陸州判父  
訓甯德丞有惠政祀名宦懋敬登嘉靖四十四年進士授刑  
部主事佐漕淮安漕政肅清遷員外郎擢福建僉事時新被

倭難戶凋劫諸豪右不奉法號難治懋敬拊循振刷寬猛相濟瘡痍漸復橫暴斂跡劇盜攻剽閩廣間勢張甚乃陳破賊狀制府悉以兵屬之乘間擊賊賊敗入海轉戰至韶州出奇計結呂宋兵搗其巢賊渠授首事平遷江西參政行履畝法條上均賦便民十餘事會大疫藩臬多染疾懋敬兼攝七篆簿領山積從容應之聲譽益著張居正柄國聞其治辦陞湖廣按察使擢廣西右布政使會御史某按楚有微嫌以蜚語中傷之罷官性孝友宦轍所至必奉母以行居官廉儉雖歷藩臬仍布蔬常曰士大夫不可一日無窮措大氣年六十二卒按前志作年八十著有廉鑑四卷子一琦另有傳

二今據家譜改正喬一琦字伯圭魏原懋敬子性倜儻任俠貌奇偉膂力過人善馳馬擊劍開五石弓左右射人稱喬公子萬曆三十一年

武科舉人巡撫周孔教檄練兵孟河孟河故盜藪聞一琦至遁去御史某奇其才薦授遼東廣甯衛守備尋移駐滴水崖時經略楊鎬四路出師令劉縉為南路右翼縉故宿將遇一琦恨相見晚杜松者亦老將也過縉以得士賀會選軍鋒縉曰是無如喬公子者乃署一琦游擊將軍以壯卒五百人監朝鮮軍入寬奠口與大兵遇數十戰復合朝鮮軍於富察之野數日怪縉松等不至遣騎偵之則已潰縉松等皆戰死一琦大驚還轉戰至滴水崖軍亦敗一琦中流矢走入朝鮮營據固拉庫崖其帥姜宏立一作功烈全景瑞已率眾降一琦顧前鋒盛勇曰吾不負天子下馬望京師再拜投崖下死明史附劉縉傳自縊死盛勇者孝子坤孫而一琦家將也一名萬年亦善鬪及死萬年從之五百人盡死喬將軍石刻稱一琦死年萬年



死時其聘妻蘇氏聞訃自縊見列一琦所乘馬素駿健亦自墮斃事聞兵科楊漣以為言贈左府都督同知以特祠祀萬年附焉 國朝乾隆四十年

賜諡忠烈祀忠義祠一琦天才絕世於書無所不窺詩古文皆奇警超拔少時以俠行入獄即獄中學懷素書比歲得白出而書已成有碑刻行世其備兵滴水崖也嘗書大字於石曰鎮星之精方廣尋丈凌空矗立遠近見之子桓字定侯中

萬歷四十年武科蔭千戶仕至右府都督贈太子太傅喬將刻稱一琦贈都督僉事世襲金山衛百戶桓喬將桓子世忠蔭金

山衛百戶未任與一琦從弟景星及董祐申董剛袁國楠宋用枚等並以謝堯文郵表通海事牽連死按新府志剛桓傳琦子名蘭 大兵南下渡江迎降易衣帽諱父墓見父從冢出以鐵椎擊之立死及查喬氏家譜一琦祇一子名桓由武

科官至右府都督加太子太傅賜玉帶 國朝以原官待詔 歸家祭祖墓暴病歿則蘭之為桓似誤府志削桓傳疑以此 又前志遺事載桓子世忠死於吳勝兆之亂府縣志俱無傳 考家譜世忠乃錢唐庠生坐吳案死又一琦從弟景星字君 拱號履茨以俊秀兩中副榜順治丁亥並坐吳案中吳謀不軌以 世墳見文苑女適范形孤譜載形孤在吳幕中吳謀不軌以 景星名填入冊事敗株連女行賄救夫而不及父則 前志刪形孤世忠疑以是故府志列吳志葵傳殊是

顧汝經字洪初顧家路人富於資好義邑有大役率先赴之嘉靖間倭寇甫平歲屢稔汝經兩次助賑時築寶山城為捍

蔽兵荒之後國帑難支汝經與弟監生汝綸助築三十丈蒲匯塘議建牖汝綸獨力成之

楊鈿閩左健兒也嘉靖丙辰五月朔倭寇圍城鈿從守陣至十七日四鼓賊偵守者倦舉梯登城邏者覺大呼鈿急起持矛刺賊墜鈿亦墜死之城上矢石如雨下賊退濠溺死者六十餘人遂解圍去後鈿祀羣忠祠按晏公廟記畧嘉靖間島夷犯城夜半聞喊殺

聲已而海潮泛溢溺賊八十餘人為晏公顯靈與此傳溺六十餘賊相合蓋鉅所守西門城也

閔電字起光廩生素有膽畧時倭寇猖獗客兵來援者輒控  
劔電乃與潘元孝倡義團土兵千人自率之屢與賊遇多所  
斬獲後於新場戰歿巡撫曹邦輔上其事廕一子百戶  
李府字一樂所城人為哨官練族丁以助伍癸丑秋倭逼所  
城府率次子香出戰斬四賊乘勝追之賊蝟集父子俱陣歿  
越明年倭又至府從子黍年十九慨然欲復仇迎戰多斬獲  
一日立城堞間賊至黍大呼曰三兒在此敢來戰否俄為賊  
礮所擊死三兒黍小字也孫尙衰上其事巡撫為立忠勇祠  
祠在南門黍附焉香字友蘭黍字思溟尙衰初名  
匯東門衰字補之少聰穎直指尙維持觀風奇其文因以姓加其名  
以志賞識復師事王龍溪邃精理學兼究漕運河防火攻壬

遁諸書成萬曆十七年進士壬辰補廷試授兵部主事尙衰  
子中梓見藝術中孚字士脩崇禎十五年武舉官劉河遊擊  
甲申鼎革與黃日章同戰歿 國朝乾隆四十年  
賜謚節愍祀南邑忠義祠

盛坤九團人嘉靖間倭寇犯境坤負母出走為賊所獲泣告  
曰殺我縱母死無憾賊義之舍去母後得危疾坤夢神告曰  
鵝血可治驚起私念曰鵝我聲近遂割左臂血和沸酒進母  
疾立愈後復病割右臂如前一日母思食蛤時沍寒坤求之  
不得道逢老嫗指使東乃東往海濱果得數升以進其孝感  
如此母卒廬墓三年祀孝悌祠孫萬年附見喬一琦傳  
顧邦正字鄰海嘉靖間父被仇陷戍滇邦正在襁褓既長問  
父所在母泣告之遂辭母行歲餘至滇夜夢父所在晨起出

門有見其背上所書鄉貫及父姓氏者駭曰吾翁即若翁耶蓋父湏妻所生子也見父痛哭欲偕歸父以無赦令不可乃歸報母後復至湏父已死欲負骸歸湏生者曰兄有父弟可無耶因白之官判曰雲南子盡子道於生前江南子盡子道於身後乃負骸歸據府志補並見南志

黃椿字廷茂庵號靜性孝友每出門即數里外必預備父母滫

瀡父歿母病侍左右越兩月衣不解帶兄蚤歿育其孤為之

娶共爨五十餘年嘗貸金貿布至天津朝鬻之未受值暮而

河決市盡遁去遂垂橐歸家僮請以河決故告貸金家椿曰

甯人負我毋我負人棄產以償之案椿前志世系不詳考四然齋集乃體仁祖一岳父

張涓字子清號月樓十九保人嘗率士兵禦倭屢敗之會邑有

賽神事軍民皆不備倭突至緣梯乘堞涓亟登城冒矢石奮

力擊刺顛斃者相藉城賴以完而涓竟中傷死據南志補

張瑞字信甫號全山十六保人嘉靖間歲貢授廬陵訓導建白

鷺書院移瀆安教諭縣故無城島寇猝至瑞率壯士伏林莽

中射兩渠魁斃寇驚逸攝縣事立善惡二簿鐫教民文於木

時海忠介領邑事一見契合遷磁州學正告歸後忠介以言

事繫獄瑞慰藉曲至迨忠介開府江南造廬訪瑞瑞遁跡得

之海上叩舷對語終日不忍別劉司李中蜚語拷訊誣服瑞

力為辨雪是獄得生者四十餘人年八十六卒忠介誌其墓

子兆達終淮府紀善據南志補

姚章號尚綱少厭舉業工詩有陶謝風書法宗山谷嘗愛荆溪

陽羨間山水清幽遂移居焉後又至采石之紅木山市地結

廬棲其中年八十四卒遂葬於山麓嘉靖間觀風使者陳九

德以逸民旌之著有玉崖集十卷從子雲字時望家貧績學

縣令鄭洛書與社學禮聘為師著有竹齋集前志有云郡中與焉似有誤

今從府志

張允孝字子游號貞白晚更名初字太初少游薛應旂之門

喜書史評校書畫與文徵明友善性真素晚年以親墓在沙

岡遂移居楓庵四十年不入城市竹籬茅舍屢空晏如時稱

雲間伯夷行草宗大令詩有陶柳致兼精篆刻郡之識別圖

印自貞白始

陸時伊字汝莘以心疾去儒業農兼葺圃舍旁躬鋤灌暴赤

日中藝植肥穎足供饗飧祭祀餘以付酒家以故人咸稱為

老圃遂自號老圃暇或手一編倚樹長吟性簡率疏直與人

言無隱諱不傲人一飯受人一錢終身不識縣門

韓綸字緝之以貢選景甯主簿地險瘠民多盜礦綸捕治之

兼以撫諭盜少止又多虎患綸禱於神虎逸去屢攝縣事以

廉勤聞有殺人獄三人悉論死處守梁某檄覆鞫綸釋其二

日法祇一抵也處屬十縣多宿逋御史以屬綸綸請俟秋成

帶徵會詔蠲免尋以疾歸民思之據府志補

徐一愚嘉靖間倭寇海上滬瀆諸鎮罹害尤酷一愚被兩刃

負母逃避瀕死得脫遂遷郡南松隱里子咸愚亦以孝聞府志

張同文字從道父鴻字于漸正德十四年舉人授鄆陵知縣

母孫病瘵百方不效同文禱天割左股肉和羹以進母病旋

愈其割處無血亦不作痛咸謂孝感所致今祀孝悌祠據府志補

方鏞字良遠早喪父兄事母及嫂盡孝敬建義塾捐田以給

脩脯訓一方子弟皆循規矩嘉靖中郡守何繼之運使洪富  
各撰碑文紀其事子岑字秀之克承父志臺司其旌之志補府  
曹用中業醫有親黨持千金寄其家俄而家被盜寄金者倉  
皇奔問用中曰君物無恙悉歸之

喬時敏字君求號古懋敬族子萬曆三十八年進士知仁和  
縣以慈愛為政如徵輸踐更勾丁置倉建牖等事大吏下其  
法於諸州邑擢御史巡視上江多所論建如增解頓減煩役  
修安慶城增采石兵皆有裨時務謝病歸尋卒著有史奏堂  
集弟時萬字處後治毛詩有盛名閉戶著書尤長古文辭選  
八大家七才子等集從學者多致通顯時英字君平萬曆四  
十一年進士授臨海令多惠政倭寇內侵設法殲之性至孝  
丁父憂一慟而絕與兄時敏並祀名宦祠時敏子雲將原名

之駒字千里邑庠生時萬子仲將字飛榆時英子履將字旋

甫崇禎三年舉人鳳將字子翔諸生俱以能文世其家

倪淑號新夏長文之後夏長文傳長文全家成邊惟幼子新

場倪家倉人父鋪嘗督潯龍游馬路二港淑幼有至性母陶

喪明淑焚香日夜禱鍼兩目眦即愈人稱孝感撫孤姪如子

捐田贍族分築邑城不受值里人張姓坐誣為脫之張願以

子婦為傭不許因刻淑像祀之舉鄉飲賓年八十四卒子邦

彥字伯獻號雷弱冠為名諸生授光祿丞會穆廟覃恩淑得

封子甫英又領鄉薦喜曰親沾寵命子列賢書奚必躋巍陟

撫為也旋擢桂林守以廉慎稱尋致仕居鄉更號一漑子嘗

仿應休連作百一詩一卷行世年七十餘卒甫英字華月隆

慶元年舉人知分水縣有聲調象山邑瀕海土瘠民頑甫英

以節儉為治平易近民不事追呼賦役輒辦校定經賦全書  
上下稱便曾孫家允嘉表作允字元錫萬曆二十二年舉人  
家泰字開美萬曆三十七年舉人官刑部主事邑稱世家參府志南匯志

人物志補

倪學所城人父綱以罪戍鎮江時島夷劫掠海上募兵禦寇  
學應募請斬倭贖父罪屢戰屢勝直指尚維持嘉其功題請

授百戶赦網罪子孫世襲據南匯志補

顧元啟字子賢諸生為貴家贅壻以清謹自持嘗讀書外舍  
有鄰女挑之元啟倉皇閉戶薄暮女復私就寢處元啟怒亟  
呼侍者然燭有魯男子風里中告急者傾囊貸之貧不能償  
者輒焚其券前負者復以急告貸之如初  
盛缺洋涇里人有友人妻寡而貧來依之缺收郵甚至久而

婦有狎意缺終待之以禮資遣歸後倭至缺被逐墮浦中浮

沈經日遇漁舟救免人以為不淫之報

高舉字伯鵬號陽性孝友隆慶元年以貢授順天司訓京兆

文廟向無祭典舉獨倡言宜與外郡一體舉行後遂著為令

擢太湖教諭署望江令治最晉天津教授尋告歸年七十七

卒子洪謨號九萬曆十年順天鄉試第一由太平教諭遷穀

城令有善政獎拔多名俊識方岳貢於髫年旋謝事歸卒後

岳貢為郡守展洪謨墓修敬如禮孫廷棟字仲隆萬曆二十

二年舉人

蔡汝賢字用卿唐行鎮人隆慶二年進士授大名推官河漲  
將決豫築隄捍之全活甚眾時議請祀王守仁汝賢上崇正  
學祀真儒疏乞以李侗羅從彥從祀識者躉之擢禮科給事

中歷兵科都給事中嘉靖時從御史舒汀奏建青浦縣於青龍鎮後復廢至是汝賢復奏請改建於唐行鎮從之會高拱當國以徐階故出為四川參政累官至廣東布政使遷右副都御史巡撫廣西以廉儉稱適藩王辱廉訪使奏請正首事者罪晉南京兵部侍郎致仕歸年七十二卒祀青浦鄉賢又倫字樂山為汝賢從兄弟少孤事後母以孝聞隆慶四年濬吳松江萬厯元年議復青浦縣治俱力襄大役知縣卓鈿詳其行聞於朝給八品秩年亦七十餘卒據府志參青浦志補

王文炳府志字象南隆慶五年進士授敘州推官敘有山在凌霄關峒中九絲蠻為孟獲後時出劫掠川撫檄文炳往勦設計擒之入為刑部郎謁張居正祇投一刺尋出知慶遠府遷貴州副使轉陝西苑馬寺卿謁者白寺有馬三千例當得

銀準馬數文炳曰我一生清白何貴金耶旋告歸居下沙卒年七十六

侯堯封字欽之號復諸翟鎮人父廷用字汝舟力田好善自號白村道人與妻朱並臻眉壽堯封築偕老堂奉之堯封成隆慶五年進士授刑曹改御史奉敕清理江西戎務諸司餽送悉貯以築九江湖隄按閩中治弒父獄以建寧守受賊失出特疏糾守守故江陵私人僅從量移以堯封僉楚臬分巡蘄蕪多盜堯封治之以法盜屏迹大同山民梗化堯封遣吏曉諭遂為良民初堯封登第出江陵門江陵母道過蘄供億無加或讓之曰此所以報師門也奪情議起上書諷諫言吳趙二公不宜杖頃之分守湖南丈量衡永地桂廣獐貉相錯幾釀變堯封為履畝正界得不擾尋備兵襄陽始至旱禱即

應人呼侯公雨城臨漢水而庫鳩工增築甫畢江暴漲平地  
 水高二丈城得無圯遠近災民賑卹備至以母憂去服除補  
 大名值歲災發粟賑濟遷福建參政署藩篆守藏吏白藏金  
 可用正色拒之旋告歸嘗戒子弟曰不願爾等為第一流官  
 但願爾等為第一流人卒年八十四歲私諡貞孝先生按侯  
 嘉定上海之通籍故前志據陳府志增入而孫震陽曾孫二  
 圖又以上海通籍故前志據陳府志增入而孫震陽曾孫二  
 會並入嘉定志乃震陽封侯鄉賢今上海舉表則似仍以  
 與震陽並祠嘉定紫巖村志堯則有侯士方性孝友父卓舉鄉  
 飲賓士方繼之子三孔學上廩生萬歷庚子副貢孔時上庠  
 生孔中嘉庠生孔中子萬鍾嘉庠生萬歷己酉舉人官鹽城  
 教諭以孝義聞載江南通志而選舉表無孔學名又前志獨  
 行傳侯昌朝為士方後見後傳

唐本堯字世承隆慶五年進士授金溪知縣廉明練達時條  
 編之法初行他邑多疑阻本堯行之則分毫不擾與諸生談

藝所羅皆當世名流擢御史數條上時事大略以厚元氣清  
 仕路重名教為主江陵奪情本堯貽書責之遂出僉浙臬時  
 值倭寇應募卒五千人脫巾呼譟本堯至諭以片語卽帖然  
 島夷至以計擒馘轉江西副使陞貴州參政告歸延請鄉飲  
 至再年八十無疾而終著有族譜惕如集三宜堂稿

朱應麒字叔郊號梅北橋人幼應府試郡守拔置第一萬歷  
 元年舉人博覽能文於書無所不窺早卒據雲間人  
 諸從禮門號海青浦人入邑庠性孝友家頗饒喜周急陸文定  
 雅重其人里中議建一石梁非千金不可從禮力任之邑令  
 沈濟川名為海門橋晚年舉鄉飲賓弟秉禮亦孝友長厚邑  
 有大徭役以為已任年俱七十餘卒據雲間人  
 張恆字伯常由江橋徙居南城萬歷八年進士知茶陵興國



二州八為刑部員外郎卹刑浙江多雪冤獄冢宰陸某以重囚屬免卒按如律晉郎中出守建昌為政清簡片言折獄建昌人稱為張半升言候鞫者不煩宿春也盱江故有橋稅中璫議加額恆白於巡撫以太守例入羨金五百兩歸之公帑稅得不加秩滿遷副使分巡南昌閣臣家與民爭湖利兩臺檄議恆毅然曰相國何藉此決歸民晉參議以母老乞歸究心理學經術卒祀江西名宦本邑鄉賢著有明志稿卹刑題

稿據興國州萬斛泉抄傳補

顧允貞字叔復號秋萬歷十年舉人七中明通榜授南陽通判值歲祲賑卹災傷全活甚眾署府篆以四勸四禁曉諭訟者民比之召父杜母遷工部員外郎陳時事數千言不報致仕歸以造就後學為務崇禎間屢薦不起三舉鄉飲大賓年

七十九卒從弟允升字華宇幼失怙母病刺血書疏籲天請代居喪三年不酒肉不居內宅舍火幾及棺允升呼天號慟忽雨降滅火崇禎庚午旌孝行卒祀孝弟祠子章甫字魯斐以貢授縣丞見天下多故絕意仕進史可法薦入國子監固辭國初舉山林隱逸省府檄徵不赴時推東南隱士之冠朱一德字士隆木六世孫篤學醇謹嘗拾遺金於路頃之一人號泣至曰吾父逋官錢繫獄故鬻妻以贖不幸失去訊其實卽遣之中萬歷十六年舉人傲居應天夜有女奔之拒不納居郡城南二圖見有無主屍骸輒瘞之里中謝某被誣陷大辟一德白其冤出之某感恩厚為報堅不受其廉潔自好類此歿後貧不能斂人爭賻焉從子養豫字立凡父一讓患瘵養豫奉湯藥惟謹及卒殯葬盡禮母孫氏病中風養豫侍

臥起不假寐者匝月母病愈杜門奉母不離左右當事旌之  
 王潭字克深川沙人官御醫倭寇之亂偕喬鐘築川沙城萬  
 歷十一年海潮溢漂沒人民瘞浮屍數百卒祀忠義祠子學  
 詩諸生以貢就銓鴻臚寺序班孫乾昌偕春以川城圯重脩  
 之又建護塘水洞石梁置茶亭便民乾昌官中書偕春字爾  
 中原名尚行萬歷十年舉人與徐光啟並師事黃體仁著有  
 問若編後累官至王府長史解組歸葺南有園偕春子逢年  
 惠州守觀光甯波通判並有政聲觀光子曰旭詳後傳  
 俞顯卿字子如號適軒萬歷十一年進士授刑部主事劾奏儀  
 部屠長卿故嘗為青浦令者臺省稱其直而疑其修怨兩罷  
 之家居杜門清修敦尚孝友執親喪蔬食三年家貧鬻園以  
 葬其親士論高之據雲間人物志補前志遺事顯卿初為青浦令屠屠善度曲嘗從優伶演劇

於西甯侯宋世甯第顯卿官御史遂舉此事以劾屠屠去官而顯卿亦罷宋亦失侯

沈梅字思雲居橫河南好施予萬歷十三年旱十四年春民

飢梅出粟三千餘石以賑臺省旌之據府志補

陳理字良玉少受詩於潘恭定有令譽性坦夷不設城府家  
 素饒藏金悉歸兩異母弟兩弟時挾母齟齬理終無怨色舉  
 鄉飲賓不赴郡丞鄭復亨旌以耆德子所蘊字子有萬歷十  
 九年進士官南刑部有坐法當訊者介大司寇及其座師以  
 為言卒按治不少假調吏部出為江岳參議遷大名副使皆  
 有風績督河南學政人莫敢干以私尋分守大梁有奸弁上  
 疏請覈河南羨帑者乘驛按問同事震懾所蘊辨折屈服之  
 弁坐誣罔被逮未幾乞休後起南京太僕少卿甫半載趣歸  
 地方有大利弊片言而決年八十四卒

施大經字天卿，插港人。宋華亭令，退翁十一世孫。萬曆十三年舉人，署丹徒教諭，遷江西瑞州府通判。時稅璫議采木，大經抗言曰：「開采名爲利民，實則厲民。篋箐深阻，民迫爲盜，能豫爲撲滅，地乎議遂寢。郡有嫠婦，族利其貲，誣以陰事，婦家因吏夜進千金，大經曰：「枉而白之，我分也。奈何污我杖吏，卻其金，誣卒白尋以疾歸。再起惠州通判，轉崇府審理，告歸。著有澤國農書。子沛，字沛然。天啟初，以貢除河南廉州通判，調署欽州，首建文廟，優禮俊髦，革陋規，捕宿盜，造渡船，民咸賴之。議時務十二條，語多切中。會出師，勤王給素袍，士卒譁兵備，楊嗣昌屬沛使易時，已夜，沛召梓工以萊菔雕花，雜印作綵，綴以絳布，日月形，黎明畢具，師遂發，轉南康，同知歸後嗣昌督師，招致之不赴，尋卒。沛素知醫，既罷官，益精其術，活人。

甚眾。溥字汝中，以貢授永清衛經歷。崇禎時，遷樂亭知縣，未赴任，聞京師陷，溥歎曰：「我父兄皆受國恩，豈可失臣節哉！」遂仰藥死。國朝乾隆四十年

賜諡節愍。注：府志補按大經府志注稱上海人居插港，子溥邑境華亭，或係借籍，故附溥焉。並補祀忠義祠。弟大諫，字叔顯，幼穎悟，十歲能屬文。

年二十中萬曆十六年舉人，不樂仕，進閉門，註老莊書，不輟。子紹華，字子野，廩貢生，遷居泖上，工詞曲，所著見藝文。

董其昌字元宰，號思白，綸從曾孫。父漢儒，耿介力學。其昌萬曆十七年成進士，選庶吉士，禮部侍郎。田一儁以教習卒於官。

其昌請假走數千里，護其喪歸葬，還授編修，知起居注。光宗出閣，充日講官，因事啟沃。光宗每日屬之典試。江西尋失執政意，出爲湖廣副使，引疾歸。三十二年，起故官，提學湖廣，不

徇請屬為勢家所忌喉諸生鼓噪毀其公署其昌疏求去帝不許詔所司按治而其昌卒謝事歸有詔起用不就光宗立問閣臣曰舊講官董先生安在乃起為太常少卿掌國子監司業事天啟二年擢本寺卿兼翰林院侍讀學士時修神宗實錄奉詔至南方採輯先朝掌故及遺事廣搜博徵成三百冊又採留中之疏切於國本藩封人才風俗河渠食貨吏治邊防者別為四十卷仿史贊之例每篇繫以筆斷書成表進優詔褒美宣付史館三年遷少詹事掌南京翰林院轉禮部右侍郎四年充纂修實錄副總裁同知經筵尋轉左侍郎還部五年遷南京禮部尚書時政在閹豎黨禍酷烈其昌深自引遠踰年請告歸崇禎六年召拜禮部尚書掌詹事府七年晉太子太保乞骸骨溫旨慰留章七上乃允賜乘傳歸九年

卒年八十二訃聞輟朝賜祭葬贈太子太傅福王時諡文敏著有容臺集其昌天才俊逸少負盛名在講席見知於光宗為僉人所忌然不激不隨故免於黨人之禍少好書以米芾為宗後遂錯綜晉唐諸帖而變化之自成一家名聞外國其畫集宋元諸家之長行以已意瀟灑生動非人力所及四方金石之刻得其制作手書以為二絕造請無虛日尺素短札流布人間爭購寶之尤精於品題收藏家得片言隻字以為重性和易通禪理蕭閒吐納終日無俗語人擬之米芾趙孟頫明史有傳崇禎時敕建特祠於郡城 國朝康熙四十四年

聖祖仁皇帝南巡特書芝英雲氣額賜之

前志云明史其昌自署皆曰華亭考董氏譜自其昌以前未有遷他縣者華亭志亦云上海董家匯人及閱李紹文雲間雜識云思白為諸

生時僅瘠田二十畝區人亦令朋充役致棄家遠遁後登翰苑且別其籍觀此則其昌本為邑人可證今按吾邑有董家宅柱頰山房並冢墓等故錄之而董氏之隸華亭者不復載

朱正色字穉曾沈莊人允五世孫萬歷十七年進士知淄川縣聽訟多平反喜課士雖劇不廢入為刑部主事恤刑閩中詳讞明允晉郎中侍郎曹學程以建言忤旨論死夏月例得熱審正色語大司寇曰今日之恩獨無片紙加曹君其如白雲丹筆何曹因得末減論戍出守杭州白前守冤稅使劉成橫暴搜市物民罷市正色舉正之濱海邏卒指琉球賈人為寇至磔之以倖功正色白部使得生還者十九人累擢山西參政告歸卒年七十七據府志補南志載正色曾孫琦字又韓官鳳翔知府有能聲遷居郡城

朱正中字子建沈莊人父朝宰為諸生憤魏璫殘虐善類繕

疏欲論之正中竊焚其稿後從餉使至山西疏蠲民賦二十餘萬稿出正中手至陝建策保全華陰等縣佐粵幕慮囚滅活甚眾抱才高尚不慕華膺兩次薦舉不就歸家繞屋植梅以自娛據南志補

施一化字湧川萬歷間以郡庠生入太學性孝友撫二弟分已產與之歲飢散粟活一方更割田助役事聞特以通判用子于蕃字价夫萬歷甲午歲貢任溧陽訓導孝事後母母喪哀毀卒邑人立碑誌之

黃體仁字長卿號穀城父一岳字子鍾號中山性孝友有聲庠序由貢為祁陽訓導攝邑篆並著正直聲陞上杭教諭振興士習旋歸舉鄉飲賓年七十四卒私諡貞定體仁九歲避島夷難能扶掖祖母及其母比長受知於學使耿定向講性學多

所發明顏洪範修邑志有議汰蔣性中從祀者體仁力持之  
 中萬歷二十二年舉人議築浦塘建匯塘插增繕內外城開  
 東西水關省煩役皆得行其說三十二年成進士館李廷機  
 家廷機使試館職謝之以門人徐光啟才優薦光啟膺館選  
 體仁授刑曹歷郎中出知登州罷坊市雜稅脫建文忠臣陳  
 迪裔孫於成籍又為迪與戚繼光請諡尋擢東兗道副使歲  
 祓值福王之國體仁處置有方民不至困其歸也囊無餘資  
 卒祀鄉賢所著見藝文子徵蘭兆蘭兆錫楨桂應申孫慎行  
 銘其墓南志作川沙人西林志載黃金字良貴以鳳陽府貫  
 又作定遠籍考體仁辰進士官至廣西布政使司參議選舉表  
 濶實聚族焉相傳三四大宗傍邑治者為余禪姓於浦今呼黃家  
 以子孟莊公秩中二大石顯傍海者為太學良器公以博學  
 多聞顯傍浦者自良貴公以懋績壯猷為粵西名藩顯良貴  
 公後又有讓東公能詩而貧壯子多贅  
 外家蒙其姓獨余兄仰齋守其故址云

朱永泰字雲陽耽讀不事生產徐光啟延課其子及光啟居  
 相位招之謝不往郡守方岳貢推舉鄉飲子維垣維屏皆諸

生孫錦見後傳据府志補

周應文白沙里人家傭也三歲失母萬歷丁酉秋父鳳患心  
 疾危篤應文剗心胸肉深闊方三寸餘煎進之未愈欲謁普  
 陀丐方救父會無船即投海漂二十里水至脛而不溺至柘  
 林境暫息盤石視所剗處已若拆榴亦不覺痛不知飢會百  
 夫長吳某亦以母病從南海乞方還以授應文歸復剗血和  
 藥以進父病遂愈華亭進士唐之屏為作孝子傳

姚永濟字汝楫號通祖一祥肄業太學嘗拯湖州一生於厄

而不問姓名後就選除臨江知事直指劉某按部見一祥名  
 召謂曰先生尚識余耶余故湖州遇難生也無以報公察有

冤繫五人當釋公第與言致千金藉以爲壽一祥唯唯卽上  
繫者名於直指釋之詭云得金寶未與言金也一時以爲盛  
德父繼祿祀鄉賢永濟以選貢成萬曆二十六年進士初令  
東陽值歲荒籌粟賑濟活民數萬豪家婢女白首不得婚配  
永濟令凡婢女年二十以上無夫者罪其主匿不告者并罪  
其鄰俗頓改罷礦使之擾民者有妖民稱佛爹佛孃煽亂立  
擒之調永嘉尙教緩刑民不忍欺遷刑部主事以政最擢禮  
科給事中楚宗之獄禁錮子女一百二十餘人廷臣莫敢言  
永濟獨抗疏曰細民有故尙且恤刑豈皇祖雲仍之裔而不  
蒙覆盆之照乞賜生還以篤宗盟帝感悟卽詔歸國會考選  
宗藩特命永濟董其事當時有姚公桃李皆皇族之語在諫  
垣章數十上聲望籍甚後持節封周藩嫉者擠之外遷湖廣

副使不就請終養崇禎二年備兵太原尋擢浙江左布政有  
給事督餉浙中永濟不爲禮銜之遂劾免 國初有妄男子  
糾眾劫其家罄盡永濟處之泊如也好參同內景家言採錄  
類二百餘卷爲學撮六卷永濟登萬曆戊戌進士及見 國  
朝順治戊戌進士年九十七卒兄永豐御醫鄉飲賓弟永豫  
衛經歷樂善好施有祖風子賡明襄明俱貢生永豫孫廷讓  
州同以詩畫名於時  
張所望字叔翹武孫也萬曆二十九年進士除刑部主事奉  
使榮襄靖江三國餽遺一無所受諸王異之出守衢州衢俗  
囂訟奸民慝恩爲利所望廉得其名閱詞輒指其主豪者逮  
訊窮治剖決若神衢以大治遷廣西副使備兵蒼梧時嶺表  
法令久弛所望至繕城郭實倉廩簡屯戍若藤峽崑崙鬼門

勾漏諸要害無不身歷慰撫窮山炎谷皆搏頽受約束有羅  
運搖者阻溪洞戕殺熟狃所望馳檄諭之遂輸貢為編戶蓋  
漢以來所未賓也轉左江參政隆峒長官黃兆基少子與其  
兄遺孤爭襲仇殺累年所望討平之眾請郡縣其地所望曰  
師以定亂奈何斬人祀以自利耶置其長而還擢廣東按察  
使不就起為湖廣按察使理漕政時兵興轉輸煩亟積勞疾  
作解職歸再起山東右布政使固辭不拜所望體清羸如不  
勝衣而當大事決大議侃侃不阿急人之難無遺力嘗買一  
婢詢知為名家子撫為己女擇婿具奩嫁之年八十卒祀鄉  
賢所著見藝文

蔡紹襄字仲謨號翹雲新場人幼慧八歲即能文以貢選貴溪  
訓導萬曆二十八年中江右鄉榜擢瑞昌令地介江表會陳

友諒遺孽柯王二姓聚眾三千人為寇紹襄計擒渠魁六七  
人餘悉懾服居官清介致仕歸卒性孝友家貧撫庶弟成立  
子文陞字丹仲天啟四年舉人授巴陵令有惠政據府志補  
載庠生蔡石川嘉靖戊午試已中式其表聯有風景瀟和語  
時主試為瞿景淳疑關節遂下第子紹襄諸生試遺才學  
使奇其文特予食餼應江西試舟次瑞樟樹下夢神謂曰  
公中江和榜傍有羣儒出紹襄數之得七十三人及榜發鄱  
陽人江和為首紹襄第七十四名性  
坦夷能結窮交養外父母終其身  
徐光啟字子先父思誠有孝行光啟萬曆二十五年舉鄉試  
第一又七年成進士由庶吉士歷贊善從西洋人利瑪竇學  
天文歷算火器盡其術遂徧習兵機屯田鹽筴水利諸書楊  
鏞四路喪師京師大震光啟累疏請練兵自効神宗壯之超  
擢少詹事兼河南道御史練兵通州列上十議時事方急不  
能如所請光啟疏爭乃稍給以民兵戎械未幾熹宗即位光



啟志不得展引疾歸遼陽破召起之請多鑄西洋大礮以資  
城守帝善其言方議用而與兵部尚書崔景榮議不合復移  
疾歸天啟三年起官旋擢兵部右侍郎五年魏忠賢黨智鉉  
劾之落職閒住崇禎元年召還復申練兵之說未幾以左侍  
郎理部事帝憂國用不足敕廷臣獻屯鹽善策光啟言屯政  
在乎墾荒鹽政在嚴禁私販帝褒納之擢禮部尚書時帝以  
日食失驗欲罪臺官光啟言測候本郭守敬法元時嘗當食  
不食守敬且爾無怪臺臣之失占臣聞歷久必差宜及時修  
正帝從其言詔西洋人龍華民鄧玉函羅雅谷等推算歷法  
光啟為監督四年正月光啟進日躔歷指一卷測天約說二  
卷大測二卷日躔表二卷割圓八線表六卷黃道升度七卷  
黃赤距度表一卷通率表一卷是年十月辛丑朔日食復上

測候四說其辨時差里差之法最為詳密越明年以本官兼  
東閣大學士入參機務尋加太子太保晉文淵閣光啟負經  
濟才有志用世及柄用年已老值周延儒溫體仁當國未竟  
其志又明年十月卒贈少保御史言光啟蓋棺之日囊無餘  
貲請優卹以愧貪墨乃諡文定久之帝念光啟博學強識索  
其家遺書子驥入謝進農政全書六十卷詔令有司刊布加  
贈太保錄其孫爾覺爾爵爾斗為中書舍人明史有傳光啟  
驥並祀鄉賢爾路亦光啟孫以積分貢應 國朝順治十三  
年廷試授知縣康熙十四年舉鄉飲賓又爾默號容庵庠生亦  
蔭中書舍人未仕遇鼎革遂不出光啟著毛詩六帖未就爾  
默續成之輯家譜不援華胄光啟五孫俱淹貫經史爾默尤  
精覃云

顧國縉字寅美父可大居距城四五里倭寇時有數婦被驅而行可大思脫之故持鋤舞倭舍婦即可大數婦逸而可大與一少年被執可大謂倭曰此少年有母吾亦有妻子幸見舍倭竟兩釋之後以國縉貴贈如其官國縉萬曆三十四年舉人授崑山教諭遷南京國子監丞天啟末操江都御史劉志選詔事魏璫倡議建祠文廟左國縉爭曰誰敢為先聖萬古罪人志選恚幾得危禍會璫敗乃免遷南京刑部郎擢桂林副使有破搖賊及楚寇功引疾歸明亡慟哭不食卒 國朝乾隆四十年

賜諡忠節祀忠義祠

楊萬里字孟圖萬曆三十五年進士授餘姚令調錢塘寬仁廉潔有循良稱時西湖壅淤因疏湖築隄與蘇隄相望號楊

公隄縣有豪民傅時傳曉恣行不法萬里捕得立斃之出私奔械禁者數十人初捕二傅時同官行萬金請緩萬里正色

拒之嘗冬夜子女號寒萬里顧謂婦曰此非惡聲也政最擢

湖廣道御史尋卒錢塘士民建祠於湧金門外前志云李衛西湖志楊公

隄楊孟瑛所築無萬里名祠亦未載姑從史志錄之

張肇林字茂卿號成池所望從弟父景平祀鄉賢肇林萬曆三

十五年進士除江西萬安令著惠政中人劉進朝占周口廢

廠民失業肇林上其狀曰某何愛一官使周口有廠而萬安

無民乎盡逐之調房山尋遷刑部主事上熱審停刑疏恤刑

四川多所平反擢南通政司參議因事罷歸卒

葉有聲字君實號震隱新場人父蕃春嘗宿邑邸主人因追逸

僕出獨少婦在室日且暮冒風浪渡浦歸又有某氏妾與嫡

上海縣志 卷十九  
忤眩篋走母家失道夜匿蕃春園覘得之密召其夫與偕歸  
曰毋揚之恐人以垢汝其質行如此舉鄉飲賓有聲萬曆四  
十三年舉順天鄉試第一明年成進士四十七年補廷試由  
侯官令擢給事中天啟五年上言勤政治體言路仕途四事  
又言以公論還政府以直言還臺省忤魏璫削籍崇禎初召  
用爲忌者所抑外轉浙江副使六年分守武昌道轉河南按  
察使平反讞決無留獄流賊老回回率賊眾至有聲出奇兵  
破走之越三月復悉眾來攻有聲令堅壁清野持月餘解去  
無何遷江西布政使大理寺卿左副都御史會吳昌時構薛  
國觀并有聲下獄免官後復召拜兵部侍郎不就屏居村墅  
與兄有容有成白首怡怡年七十九卒著有綠天館文集疏  
議與父蕃春俱祀鄉賢子翔龍歲貢生景龍恩貢生映榴自

有傳

杜喬林字君遷父若芳有儒行祀府學鄉賢祠喬林萬曆四  
十四年進士除刑部主事出爲湖州知府府濱太湖故多盜  
時天下多故巨盜竹林圖王會王崑崙等竊發自號蛇山王  
喬林檄鄰郡合力擒之長興賊葉朗生等潛踞湖中出沒無  
定喬林使人偵之盡得虛實亟襲之朗生就擒凡五十餘日  
羣盜悉平奏功當遷民譁曰府君活我奈何舍我去巡撫言  
於朝就加按察副使知府事如故秩滿遷浙江水利道副使  
丁父憂服闋補福建屯鹽道轉右參政擢山西按察使浙江  
布政使分巡溫處到官六日海盜劉香入犯圍府城喬林募  
勇士韋古生等晝夜捍禦出兵奮擊三戰皆捷賊乃焚其木  
城引去事聞再獲褒賜以病告歸卒子麟徵字仁趾少有英

譽與婁東張溥齊名成崇禎四年進士授刑部主事自幼從父宦曉習吏治尚書使掌章奏時太監張彝憲等總理部事監宣大諸鎮麟徵上疏極諫尋改兵部職方司為尚書熊明遇所重其請授諸將事權及定滇寇普名聲麟徵條畫為多以母憂歸卒年三十九著有浣花遺稿據府志補

黃調元字孟和父崇道以貨殖致富好施予遇貧不能炊喪不能葬者輒捐橐助之歲飢宗戚就食者恒數十人調元早歲食餼喜為詩古文詞與弟燮元並有才望董其昌李世祺皆令其子師之著有鹿田集據府志補

朱錦字尚綱鶴沙里人素好義惟恐不及萬歷時邑經倭寇學宮傾圮有司輒以費鉅不果脩嗣邑令楊遇至謀脩之哀賦羨金二百有奇集諸人士任其事共推金付錦錦不納曰

吾願任之乃求巨木選良甃鳩工早暮程督不少暇始辛卯二月至七月落成工價與創造等傾產畢之徐白楊以前金置義田百畝贍貧士膏火萬歷壬午海盜收瘞浮屍二百餘他如起關橋賑貧寡還人產贖人鬻妻修人圯冢義事類如此上臺高其行給匾額予衣冠旌之子國輔亦有父風時又有錢誥者樂善慕義亦獎給衣冠與錦名俱列旌善亭前志云脩學之功錦為鉅特為補傳又據初庵偶筆錦初投潘恭定為家人後其子游泮入謝恭定云汝子已為士可以門生禮見勿作主僕觀即檢券還之朱感激圖報恭定云吾何賴於汝今文廟圮能脩葺賢於報我遠矣朱遂獨力營繕焉又遺事載萬歷十九年辛卯修學宮至國朝順治八年辛卯庠生朱錦舉於鄉已亥中會試第一六十年間有兩朱錦而修學發利歲皆辛卯亦一異會元以康熙壬子歿時文廟正梁年久朽蠹亦以是刻殞視其所列姓名亦朱錦也會元其殆修身歟

奚欽字聖功有鄉人負其金往責之固留飲宿而飾其女出

見曰吾實不能償願以此女侍欽拂衣起排闥出走宿友人  
家至夜分大吐視之有蟲如髮數百欽素病瘵自此遂愈又  
嘗還遺金多隱德云

曹誠字守愚世業醫診視有神解投以丹膏病立起爲人敦  
樸廉介倭寇時避居五里村有川沙人失所攜金惶急欲死  
適爲誠所得立還之家故設藥肆一夕命其子同宿肆中指  
一囊曰此頃所拾路旁物也若就內臥倘失者來何從知之  
至晨起果有諸暨紙買行泣於道詢其實還之在少時尙有  
廣福寺前還遺金事至是凡三矣陳所蘊爲作還金傳年九  
十一卒子國禎字明衛幼業儒又習武事以武生爲寶山右  
哨官能捕盜已而棄去亦習醫游京師有俠名國裕字起潛  
太醫院吏日嘗治一背疽羣醫束手國裕以湯沃凝血見骨

患者哀號徹戶外乃傅以膏卒痊遇倭警一警兄在外登城  
俟其來竟夕不返一貧人屢藥勿效察其脈以貧故陰納金  
藥中屬手調之果愈有叔兄雙瞽勸之市藥不應乃以錢陰  
使人偽購藥於兄所兄曰得錢則喜而眞買藥者亦踵至得  
贍給然未嘗自言也卒祀鄉賢曾孫垂璨見後傳

李逢申字延之伯璵六世孫通志云五世孫從祖煥然字子文家富  
於書研討淹貫時號書篋祖復科父可教字受甫十二能屬  
文砥礪名節以惜福擇交爲子弟訓逢申萬歷四十七年進  
士除慈谿令失闔黨意左遷縣佐丁母憂服闋起上林苑監  
承遷工部主事甫三月封事九上劾兵部尙書梁廷棟誤國  
不報會軍興驗試火器廷棟中以危法論戍澈浦長子雯痛  
父以詆忤權貴獲罪走京師訟冤章上報罷雯九歲弟又伏

闕上書政府哀之事得白召為刑部主事轉工部郎五上疏論時政時流寇已據有秦晉逢申疏請出空名告身與廷臣分募三輔山東兩河豪傑衛京師不果甲申三月賊陷京師逢申被執不屈身受五毒自經死妻見後傳

喬在修字三餘世業醫祖迨字味湖夜夢神示以水草且物色之以治疫皆起父士琰字仲餘少好讀書有介操嘗以一匕愈富家子病卻百金贈晚自營壙銘曰不能為圓不能為曲覩茲方冢不知其人而知其行獨 國朝祀孝弟祠士琰有五子在修居四遭父母喪病家迎之曰吾不以醫故易服凡過祖父墓道雖暮夜或大風雨必肅拜去醫善用古方窮檐僻巷延請無不往病有疑險者夜歸思之精求其故侵晨叩病者門予以方藥無不應手概不責酬嘉定令萬某嘗病

且始諸醫束手在修治立愈屬有富民踐更求脫者以五百金為壽在修謝去萬令益義之從子之文天啟四年舉於鄉

在修卒年七十五肅賓介者四旌善人者三焉載藝術然皆列明代府志則列國朝并云仲餘與弟在修能以甘旨養父曰於我良足獨念爾伯父窮苦於是迎養之云云則以仲餘為在修兄矣 國朝道光十八年郡詳 欽旌孝悌據府志陳請與此異疑必有一誤朱思聰字敬愚以貿易致素封喜交賢俊嘗鑿義井捐義冢建橋梁修祠宇施藥捨棺樂善不倦萬厯間郡邑交旌之府據

黃封號一伏龍里人家素封冠三吳輕財好施萬厯戊子歲大飢議賑為食於路活人無算復輸闔邑逋賦免東南重役邑令許為請旌表他如置義冢闢道途建津梁崇師儒周寒士咸為里黨推重

趙文元有逸才一日從村舍還城門鏞矣坐井亭待旦袖有稅銀及詩稿一冊蹣跚間宵人掄取之文元覺而其人駭仆文元笑曰無患若貧耳取我金去詩稿畀我其曠達若此戴晚芬原名士鰲字穉龍祖邦正字貞卿嘉靖五年進士歷官四川參政晚芬少耽典籍從父游京師年十五以博洽聞尤精三禮郡邑治禮者必從講授數奇不遇年四十餘以貢授廬州訓導有聲望屢薦當遷會崔呈秀巡按江北晚芬無所餽遺阨之轉湖廣漢陽教授棄官歸崇禎二年起為衡府教授以老辭長吏三移牒徵之乃赴深見禮重歲餘復謝病歸年七十三卒所著見藝文

馮遷字子喬父淮崑山人來寓耕於浦濱遷遂為邑人工詩有長鍊齋稿

方忠成字豐源相傳正學十世孫也見前采傳初正學遺孤德宗生二子一居華亭一遷上海忠成萬曆間人居黃浦之東倉鎮里無考有善事必勸成之歲時置酒為鄉社延耆舊及子弟言孝弟嫻睦事俗多訐訟不畏疆禦平其曲直羣小忌之值明亡遂劫其家罄焉忠成怡然曰宗社邱墟古今至痛數椽何有哉子爾揚有聲庠序孫旦亦能文

張梓人閩縣典史李應魁舊僕也徙業為梓人應魁罷尉歸貧無以為葬謀之所親無應者道遇梓人見其懊喪狀詰得其故曰郎君不能獨舉工作僕請買磚石為郎君助遂訂期應魁疑其譎言及期覘之物畢具梓人偕其僮攜筐飯至遂得葺事後又有沈翁者以好義稱應魁子化龍天啟末歲饑饘甚持戶扉出易米遇翁翁曰盍予我償以米五升錢五十

時石米值十金也持以歸化龍故好放生見漁者以水族求售盡罄其貲既而家人跡至告曰不食三日矣化龍不得已還詣沈沈詢其故歎曰吾知子長者然慮求者眾故受子屏子處此猶能為此舉乎與偕入則扉滿其庭焉復出錢米如前應魁元孫宗袁為作二義傳

周規字象圓一字公履初為邑人後徙澱水再徙嘉定無妻子有膂力學擊劒騎射萬曆末上書數萬言論邊事不報一日出門歸拍案數四家人怪之曰搢紳皆木偶內外交訖死無日矣家貧無儋石工詩喜酒好客遇水木清華處呼所知泥飲仰天悲鳴發為詩清疏壯邁有名家劖刻所未到者以此終其身著有醉餘草

陳守真新場人事母至孝朝夕必揖拜家貧歲種木棉畝許

而所獲倍他人以此養母自食粗糲鋤田恐傷蟲蟻必祝令他徒木棉放時或有盜之者恍惚見守真在後終身不娶同時有張某萬曆甲寅年百有三歲猶善飯健步見守真戲以孩呼之守真年九十無疾而逝

孫士美字公榮天啟元年舉人授舒城教諭崇禎八年流寇至舒城令以他事出土美代守七十餘日城賴以全擢知深州十一年冬大兵至力守三日城破望闕再拜題詩蕪蕪亭引刃自刎於角樓贈太僕少卿 國朝乾隆四十年

賜諡烈愍府志作忠烈父訥字敏甫仕天策衛經歷就養州署年七十餘亦自縊一家從死者十三人與士美並祀忠義祠子

芝秀字止文芝玉字放質皆諸生歸父祖柩葬鄧尉山杜門讀書節義自矢人稱二孝子府志作本姓朱



王域字元壽天啟元年舉人授宿州學正流寇至佐捍禦有功擢工部主事改南京戶部權稅蕪湖京師陷吏多以自入域曰君父遭非常禍乃因以為利耶飭歸之福王授為郎中遷建昌知府唐王立擢江西按察副使攝府事及城破械至武昌與王養正等同死土人表其瘞骨處曰六君子墓 國朝乾隆四十年

賜諡烈愍祀忠義祠子鑰錚皆諸生聞父被難錚子身走建昌求域葬處刺血徧灑諸墟墓卒不得慟哭而返終身茹素飲泣未嘗見齒弟垌字襄城亦以孝友聞

郭良俊字少谿其先廬州人以軍功世襲錦衣衛千戶後徙居邢竇湖良俊少喪父以孝聞慷慨明大義嘗適野拾遺金守俟之凡三日不至遂以所拾金益以已資建石梁於廟涇

名廟涇橋民不病涉子繼周字可卿天啟四年舉人

奚汝斗吮父癰祈以身代父旋愈崇禎二年歲祲率先請賑

出已粟以助糜年近百歲而卒據南志補

王國材字達甫號椒天啟元年舉人幼孤事後母至孝初授

黃巖知縣調臨海以廉平著海門衛卒變單騎撫定之擢京

畿道御史未赴卒士民悼之祀名宦并肖像方山之陽祀焉

何萬化字宗元廣裔孫天啟二年進士以禮部郎督福建學

政歷湖廣參政平妖賊張普薇有功不敘乞病歸後擢廣東

按察使不赴卒祀府學鄉賢弟萬仞與齊名時號二何子安

世字次張性喜汲古旁搜博採於書多所貫通為詩文多華

瞻會鼎革隱居南浦閉門著書與吳日千金天石吳六益韓

友一王玠右兄弟相善時稱雲間七子著有晚蘭堂文集前

云安世亦見奉賢志然居紫岡為邑人無疑

又同族有孝童名萬京字叔鴻萬化兄弟行也孝友性成父疾篤告其母曰兒將從父矣供養之責有兩兄在母呵之初不慮其死及父卒萬京號哭出比晚不歸母憶前言心動跡至溪旁見遺履乃知赴水殉父也萬化為之作傳嘉定黃濱耀有詩哀之

朱應楨二十一保人天啟四年大水歲飢捐資賑貧知縣鮑奇模旌其門曰一鄉善士

張元始字貞起號新場人崇禎元年進士由行人擢給事中抗疏直言不避權貴時民苦北運布解元始請改北運為

官者布解附於漕艘十四年旱縣漕數萬元始議以麥代得旨准十之三命督漕運無後期者在諫垣八年清忠諳練朝議將大用之會母喪去職服除補太常寺卿未拜卒年六十

九

陳正中字宗尼南界沙人世襲千戶崇禎元年進士除上杭令時流寇侵擾所在煽結正中撫凋瘵調兵食練鄉勇屢挫賊鋒獲渠帥降其黨五百餘誅劇盜三十餘名流賊復犯武平率眾馳三百里擊之鄰邑以完積勞成疾卒之日民罷市哭巡撫鄒維運疏請獎卹贈兵部主事追論平寇功再贈太僕少卿

何剛廣裔孫初名厚字懋人崇禎三年舉人孝友直諒以名節自期佐方岳貢築海塘以廉勤稱好交豪俊與東陽許都善見海內大亂約曰子所居天下精兵處盡練以待用十七年疏陳選練滅賊諸策又言義烏東陽兵可用莊烈帝壯其言擢職方主事甫出都而京師陷許已作亂前死剛馳還鄉

福王立給事中陳子龍薦剛先是賊逼京師子龍與夏允彝募卒二千人將連海舟達天津以為援至是言防江莫如水師乞廣行召募委剛訓練從之時馬士英當國置疆事不問剛上疏請三年之內宮室不必修百官禮樂不必備惟曰求天下奇才俾智謀者決策廉明者理財勇猛者禦敵廟堂不以浮文取士而以實績課人則真才皆為國用而議論亦省矣分遣使者羅草澤英豪得才多者受上賞則豪傑皆授命疆場而盜魁亦鮮矣東南人滿宜徙之江北或賜爵或贖罪則豪右皆盡力農事而軍餉亦充矣時不能用進員外郎以其兵隸史可法可法喜剛亦喜士英惡可法并惡剛出知遵義府可法垂涕曰子去吾更誰倚剛亦泣曰剛誓與此城存亡安敢違公又曰揚州雖無險可據然李庭芝輩亦皆以孤

忠守欲別募一旅以備之方渡江聞揚州被圍還佐可法拒守城破投井死明史附史可法傳剛初得家書報生子領之已而聞其殤曰亦省一事卒無子 國朝乾隆四十年

賜諡忠節祀忠義祠

張錫眉字介茲新場人以嘉定籍中崇禎三年舉人嘉定城破錫眉先驅其婦黃氏及妾女赴水死徧身書姓名并大書絕命詞於衣曰我生不辰僑居茲里路遠宗親邈隔同氣與城俱亡死亦為義舉家殉之惜非其地後之君子不我遐棄遂自溺南匯志稱自縊於南門城樓 國朝乾隆四十年祀忠義祠

周明璵字叔魯太學生端重不苟初無子諸弟爭嗣者破其家明璵置不校後舉三子人以為厚德之報卒祀鄉賢子金然見後傳

褚永祚字爾昌拔貢生工詩善鑿別金石文游陝省寄籍以字行任宛平令又同族褚世遂初名士廉工詩詞亦精考据能別古物真贗

徐天麟號退谷崇禎四年進士幼孤好學年踰三十始為諸生

旋以進士歷官南兵部郎中蕭然如寒素告養歸杜門卻掃惟與一二故人引滿長嘯詩文忼爽有奇氣著有西郊草堂

集廣蔭軒雜詠

翁英字際輩北橋人以武科應崇禎四年會試榜發論者大

譁聞於上上命方逢年倪元璐再試乃取英等以時方需才

請殿試傳臚如文例武之有殿試始此見明史選舉志英歷官參將

歸會明亡沈猶龍起兵英助城守城破隱於家吳勝兆之亂

見捕死於江甯前志云翁英見華亭選舉志然實邑人北橋西北有英墓翁族尚有存者地名翁閣今補

於此又遺事載翁英於崇禎四年會試偶踰巨石崩聲聞宮中帝知之遂以第三人及第後吳勝兆之亂其父元長諭之日爾曾助沈猶龍守蓋出就死否則一方無噍類矣遂就捕先是元長夢呵殿八座者入門追視之無元已而生英其定

兆如此翁世居北橋元長曾助

尊明心寺寺僧猶能傳其事云

朱永佑字爰啟閩人性忼爽胸無城府崇禎七年進士授

刑部主事改吏部明亡從閩唐王進郎中歷太常卿以張肯

堂薦監周鶴芝兵屯鷺門嘗遣勇士刺鄭芝龍不果唐王卒

又從魯王於翁洲能得諸悍帥心加吏部侍郎晉工部尚書

或笑其講學曰厓山陸丞相非耶 大兵至被執挺立斫脅

死僕負尸出泣曰主一生好潔今乃泔泔耶血立止無所得

棺火之螺頭門外妾石氏僕顧瑞殉焉 國朝乾隆四十年

賜諡烈愍祀忠義祠明史附張肯堂傳華亭志作華涇人誤今參全祖望事狀補

府志作

瞿騫字孝叔崇禎己卯歲貢壬午廷試特賜進士授滕縣知縣有治績 大兵破城死之 國朝乾隆四十年

賜諡節愍祀忠義祠子穀字式似號鈞年十二補諸生騫殉難時穀年十五斂骨歸葬廬墓授徒不仕著有刪刪集詩卷且存集文稿

陳于階字瞻一號仲百曲港人徐光啟甥也父紹統任粵東

巡檢為盜所害于階慟父喪募壯士刃父仇方岳貢築城于

階董其役崇禎末史可法薦授欽天監博士遷兵部司務福

王時數上書言事南都破自縊於雨花臺府志作縊於雞僕

宋千斂之亦自縊 國朝乾隆四十年

賜諡節愍祀忠義祠

陳正容字威玉竹岡人崇禎十二年舉人行己端愍學問賅

博當世重之著有欲報堂全集孟子合評陳子說詩

侯承祖字懷玉始祖端承樂間官金山衛指揮遺事載端有

南沙所印擢參將乙酉南都失守松城亦破 大兵攻金山

承祖堅守鏖戰三日夜衛城藤牌兵素驍捷戰死者四百餘

人有從水關出迎 大兵者城遂破承祖巷戰馬蹶被執至

郡城諭降不從就刑華亭學前弟承祚長子世祿承祚子世

鼎俱從死李成棟歎曰江南自史閣部下承祖一人而已

國朝乾隆四十年

賜諡忠烈與子世祿並入祀忠義祠承祖金山人詳金山志

世祿字公藩讀書知大節隨守衛城時或勸航海存侯氏一

脈歎曰父死忠子死孝分也覆巢之下豈有完卵耶且名義

所繫事有重於此者乎卒從死被圍時有身沾雨露心難死  
 肉委泥沙骨自香之句聞者傷之仲子世蔭字美漢別治一  
 軍於柘林知父兄殉節母妹俱自經遂詣軍門奮言曰某侯  
 懷玉次子也請就刑父屍旁成棟義而釋之乞父兄屍並收  
 母妹屍淺葬衛城北郊後二年以謝堯文事連染死又八年  
 郡人募葬三忠骸於其先壟參華亭志按承祖舊志有傳而  
 氏世居金山而端與承祖皆官南匯今邑忠義祠有世祿位  
 而舊志有承祖傳故併列之又莫秉清傍秋庵集雲間一行  
 傳稱承祖次子名其偉字美漢以謝堯文事死然則世蔭又名其偉歟

李待問字存我昭祥從曾孫始生時外祖陸文定賜存問遂  
 以為名字崇禎十六年進士授中書舍人工文章精書法沈  
 猶龍事發待問遷其母於鄉守城東門城破將下城百戶某  
 挽之曰聞君讀爛四書今日將安之待問曰臣死忠常事也

吾第與家人一訣耳百戶曰君能如此我先斷頭以待即拔  
 刀自刎待問憑屍而哭倉卒抵家少妾挽衣兩泣眾爭勸之  
 逃待問哭曰死吾分也且不死何以對此老兵即自經會邏  
 者至遂遇害所著燬於兵僅有存者弟之檀諸生死吳志葵  
 之難待問於國朝乾隆四十年

賜諡忠節祀忠義祠明史附沈猶龍傳

沈泓字臨秋嘉善籍崇禎十六年進士授戶部主事未仕痛  
 母亡每遇歲除必至殯所寢處過元正三日乃歸每一念母  
 必哽咽人為感動國朝雍正四年旌祀孝弟所著見藝

文前志辨證云沈泓金山妻縣志皆有之通志選舉門註雙  
 海進士沈泓云未有妻縣志義傳見於錢良輔傳中作上  
 完節坊成進士遭國變葬母哀動鄰里舉於鄉陳母宋苦節建  
 披髮更名宏忍以小僕阿寅為徒住會稽東山國慶寺叔死

奔喪回寓郡南梅溪坐臥一庵二子嚴廉勤之歸不可疾作  
絕醫藥卒著有東山遺草懷謝軒詩文集從弟龍字友夔同  
榜進士甲申後不復出  
與此小異附識於此

黃日章字叔闇黃家閣人崇禎十六年武進士為劉河守備  
時流寇蔓延日章練卒伍勵忠義成樂為之用十七年復以  
松江游擊調劉河守禦部下義兵百餘人皆善戰妻王氏亦  
能軍每親佐桴鼓日章奮勇拒敵以力竭死王氏見列女傳

據南志補

王景曦原名樹德字子萬於餘姚王氏為疏族以勳戚子姪  
就錦衣衛試中崇禎十五年武科選左所千戶時疆圉日蹙  
請墾海中大瞿山為屯田會明亡遂罷歸奉母終其身子貞  
儒邑諸生弟某字子實母病割乳旁肉療之早卒

蔣若來字龍江張國維巡撫應天以將材拔為前軍僉事檄

援江浦有功擢前府都督討張獻忠歿於陣詳見張行言禦

寇傳據府志補

嚴兆齊字振玉新場人諸生學純品正識王光承於童子時  
為忘年交所居曲徑疏籬名花掩映築土累石邱壑在几席  
間顏其室曰愛吾廬光承嘗歎曰余質其經學轅固高堂生  
不如見其行事陳太邱不是過也人以為實錄據南志補

陳曼字長倩川沙人諸生有聲幾社性高潔有倪高士風甲  
申後林間寂處以畫為事畫宗二米饗飧寄焉莫秉清為之

傳府志參南志

包爾庚字長明南匯志云十九保人青浦志云居泰來橋曾祖鼎成化十一年進

士祖孝嘉靖十四年進士歷官河南道御史累贈太僕寺卿  
爾庚幼穎慧見兩兄習舉子業攜筆墨坐花下構文塾師驚

異之未舞象應童子試冠軍時督學駱駿增所拔幼童四人  
爾庚其一曰皆令器也以乙亥選貢成崇禎十年進士除羅  
定州知州鎮兵諱守道水佳穎被圍爾庚單騎馳諭一州獲  
靖搖蠻跳梁總督沈猶龍勦捕弗戢爾庚許其自新皆聽命  
又革穀船稅置學田民稱小龍圖立生祠嘗言大江以南人  
皆柔而閩廣為甚故河北之刑不可施於吳越吳越之刑不  
可施於閩廣此為吏所當知也故其政尚寬所出死囚數十  
人嘗謁廣督見軍門繫囚纍纍數百皆以不軌當伏法入言  
曰此屬保無枉濫盍詳訊而後誅之廣督善其言然不能從  
每以為憾以循聲行取入都適遭祖母喪不赴南青二志均  
作權兵科給  
事不中時天下多故隱居青溪之曲閉戶著書自號宜壑居士  
初為諸生時陳李諸君子方以古學樹旗鼓相標榜挽爾庚

入社爾庚曰我不為異也亦不為同謝弗往入國朝

詔徵山林隱逸當事強起之以母老辭康熙元年郡守郭廷

弼聘脩府志臨歿吟曰千秋大業今家計萬里清風昔宦游

遂卒祀鄉賢前志遺事云爾庚之成進士也出江右楊廷麟  
年後其家絃而戶誦乎

皆莫知所謂後其言果驗

陳濬字扶一航頭人諸生崇禎十七年流寇逼京師濬募壯

士三百人仗義勤王及渡江聞京師陷北面再拜投江死南

朱錫麟字元序新場人諸生乙酉偕華亭蕭賓侯渡海寓舟

山僧舍辛卯大兵至俱自縊又朱天爵亦字元序甲申後

同蘇兆仁按修例云兆仁亦上海人作  
兆人據滬城備考補傳見後渡海寓居舟山僧舍

大兵至縊死按錫麟天爵均字元序死事亦  
同恐是一人府志兩存故仍之



陳回蔡九韶並新場人乙酉 大兵至郡城破回見人輒流

涕自縊死九韶亦投於水志補

馬元調字選甫諸生學行兼優有聲膠序僑居嘉定與黃滔

耀唐全昌諸人友善福王時倡義捍衛同誓死守城破皆死

之 國朝乾隆四十年祀忠義祠前志云元調世為嘉定人今據其容齋隨筆序自稱

就童試松江則用吾邑貫可知

張在宥字虎侯諸生仕唐王為某官偕安昌王至日本乞援

兵會倭酋死乃返後為魯王中書舍人城破前一日適奉使

往普陀遂得歸家益貧病且殆猶日訊海中事其居舟山時

有雜記數冊留其弟處後為忌者毀去又有王匡字就之介號

庵 郡庠生善書郡城破被難王稽古改名雄字成博以薦授

濟南同知徐百瑜貢生署邑教諭並甲申殉難前志云此據

考又考行朝錄日本乞師係魯監國事非唐王也安昌王名恭禔乞師凡再始使為林翰繼使為阮美始值日本與西洋構兵繼又借日本所逐僧湛微往兵不果出非倭酋死亦無在宥名未知孰是

瞿桂官三涇人幼孤以賣錫為業得錢即市酒肉供母自食

糠粃恒不飽暑無帳為母驅蚊終夜不轉瞬冬無被拾蘆花

雜敗絮中先臥煖以待母如是者三十年母老病痰不能唾

桂官以口承之一日中戶不啟鄰人怪之撬門入則母已

死桂官僵臥母側涕流被面咽不能語眾乃相與醵金以斂

桂官匍匐拜謝訖不食死附祀孝弟祠

王檄下沙人文炳從孫字曰傳日傳前志性寬仁急公好義

邑有重役人爭營脫檄奮曰往役義也可累貧弱乎遂身任

之又助濬吳松江歲饑出粟助賑邑令旌之子愴 國朝順

治十七年舉人孫明允有學行

郭開泰字宗林

號魯

福王時拔貢生

府志作歲貢

甲申後不雜髮

屏居以老所著見藝文

趙夢嘉字連城十七保人崇禎乙亥捐助贍役義田百畝又

助鄉學田二十畝巡按王志舉旌之年六十尙無子後連舉

二男燮炎燮入國朝爲諸生又有趙維聘字徵之趙行人

崇禎間出粟賑粥捐義田作義冢又沈珪曹洽何睦山玉錢

鎮喬節陳恒楊彝夏璣九人皆景泰癸酉輸麥七百斛實京

儲者授冠帶榮身梅元成天順庚辰輸米八百斛賑湖廣饑

授正七品承事郎散官侯珮成化己丑輸米三百斛餉廣東

軍王禎張漢袁偉成化庚寅輸米三百斛餉廣西軍竝授正

八品迪功郎從九品將仕郎散官有差沈珪以下並見前志獨行類傳今移於此

張方字子敬

塘

浦東人少孤依舅氏家母食貧守節撫之

成立後徙三林塘不妄交游多陰德子耀邦字可交好游俠

重然諾不事生產北沂遼海南極閩粵或勸之仕弗樂也孫

尙文見後傳國朝雍正十年以曾孫湛置義田贍族事

衰及三世方耀邦並贈吏部侍郎

何爲霖字商說萬曆三十二年武進士官南京鎮撫國變後

殉難又張鳳翥字聖如天啟二年武進士官劉河游擊國變

後戰死

王光承字玠右諸生本居華亭之高橋力學好古博綜羣書

與弟烈字名世及徐孚遠爲求社評選會藝與幾社並著福

王時以貢入太學上江南時務五策不用隨父之官新昌魯

王監國徵書屢下力辭浙東潰父子徒跣萬山中會天下大

定偕弟隱居新場力耕養父不入城市者三十餘年無子一

女名雙鳳能詩適中書楊瞻光承依之卒年七十二有鍊山堂集雙鳳有玉瑩集

吳騏字日千吳家角人諸生有盛名繼乃晦迹田間壻某家望湖涇騏以醉墜河其女持衣請易辭不受旋卒騏與王光

承兄弟交以名節相砥礪光承稱其三旬九食五月披裘梅之不怒周之不受并盛稱其詩著有頗頌集八卷據南志參

沈求字與可諸生秉性耿介慎取與不妄交游隱居梅花源以吟詠為樂卒私謚貞愍先生祀鄉賢子白字濤思又字賁

園號天庸子幼時一就童子試遂絕意進取即父隱居築結繩書屋歌嘯其中詩有奇致書法有逸氣事父像晨起必拜飲食

必祝終身不少變年七十有八而卒時有嘉定張樸村雲章銘其藏曰孰膠其口孰韜其光兩世之隱百世之芳按青浦志求作

鳴求又按鳴求姓唐號貞居邑廩生申酉之間例當歲薦棄去隱於梅花源中莫秉清字紫仙號華亭如忠曾孫入邑庠有聲明季避兵

浦東易道士裝隱焉性耿介不妄交人詩古文詞具有高致自稱月下五湖人著有采隱草行世書法力摹晉人善鐵筆

門人吳徵棐以為孤梅鐵幹猗幽芬雪淡風高與俗逕庭為得其概子芳奕能詩有韻芳草前志云南匯志作隱居石

行市唐疇字去非諸生從祖志大嘉靖辛丑進士疇好靜矜名節居閔行玉笙樓閉戶二十年工寫花鳥墨瀋牡丹弟醇字服

西諸生究心理學有聲幾社著有馬蹟堂稿後改名景真不復應試幅巾布袍屏居一室醇子彬事母至孝定昌為當湖

陸清獻公入室弟子入國朝皆為邑諸生同時有唐鉉字

王汝鎔字歐冶兄弟並有聲幾社以布衣終府志參南志補又馬琬

衛毅名見陸深東園遺詩跋毅號竹素生蔡昶字元景洪宣

問人孫怡字孟瑾天順元年歲貢有山澤吟嘯六卷陳電萬

歷中歲貢授鎮江學官唐汶字齊山皆以文學著云馬琬以下並見

前志文苑類傳今移於此

蘇兆人一作兆仁字寅侯順治己丑魯藩駐舟山稱監國兆人為

兵部職方司主事辛卯九月 大兵伐舟山大學士張肯堂

議邀擊之魯藩統兵羊山以張名振為前軍我兵乘霧破螺

頭門魯藩南遁肯堂名振等死之兆人自縊據滬城備考補

羅萬策字思孟初任把總崇禎丁丑調禦流寇於宿松豐家

店被執罵賊不屈賊拔其舌而死據雲間忠義錄補

趙從龍字孟騰父珍字伯玉同舉崇禎丙子武科珍任劉河

中港事從龍初任蘇州六門小哨事歷官游擊從吳志葵力

戰敗投浦江死據雲間忠義錄補

傅凝之字令融嘉定籍崇禎六年舉人福王時殉難 國朝

詔祀忠義祠

王謙周浦人八歲喪母哀毀動人比長祭必宿戒既老見祭

品或不如禮輒悲哀拜不能起鄰某以火災負布商商以斜

幅繫其頸謙蹙然曰彼大不幸何至此銀出吾手吾償爾可

也乃釋去傾囊不足典貸益之又有陳鶯者十九保人父業

數萬悉讓之兄弟海溢出粟濟飢據南匯欽志補

張克恭字文肅居六竈幼好讀書有膂力崇禎時北運至京

受知於杜將軍松委練士卒以功授參將銜因父孟洽病辭

歸子士麟有至行嘗還納糧戶遺金葬外祖父母及外父母  
喪襄貧族婚嫁兩舉鄉飲賓不赴卒年七十八

据南志補



